



金石萃編卷一百十八

賜進士出身 誥授光祿大夫刑部右侍郎加七級王昶讀

中六唐 七十八

萬壽寺記

石高二尺二寸八分廣一尺二寸八分十五行行二十九字正書在岐州

大唐萬壽寺記

東刺史柳玭撰

漢長安城本秦離宮也高帝七年長樂宮成自櫟陽徙部之惠帝視其窄狹乃發長安六百里內男女十四萬六千人及諸侯王列侯徒隸二萬人城長安成賜民爵

凡一級長安城方三十里內地九百七十三頃八街九
陌九市周回六十五里十二城門皆有侯蕭望之爲東
門侯東有三門一宣平門外郭東都門一清明門外郭
東平門一霸城門外郭青門霸城門外一里許有萬壽
寺焉萬壽寺本梁太尉吳王蕭岑宅隋開皇四年文帝
爲沙門曇延立爲延興寺東院苕公蕭琮之堂隋亡捨
入寺 神龍中中宗爲永泰公主追福改爲永泰寺大
中六年請改名僧寺五所化度寺改爲崇福寺永泰寺
改爲萬壽寺溫國寺改爲崇聖寺經行寺改爲龍興寺
奉恩寺改爲興福寺而寺各異其額也然萬壽一寺

宣帝親幸賜額命官造理殿宇廊廡方丈山門其一
百九十七間左右院林二所香地二頃六十餘畝石佛一
尊娑羅樹六楸勅度一百二十僧受牒免差入寺焚修
祝延聖壽後淨查住持能守清規迥出於衆俱寺年久
莫識其端請余爲記俾後人有所據云

景福元年八月一日

按記爲刺史柳玘撰新唐書柳玘傳玘仲郢第四
子官至御史大夫昭宗欲倚以相中官譖玘煩碎
非廊廟器乃止坐事貶瀘州刺史卒則其撰此碑
距卒年不遠矣碑但署刺史而不言瀘州者何也

記云漢長安城本秦離宮也高帝七年長樂宮成
自櫟陽徙都之漢書高帝紀七年二月至長安蕭
何治未央宮立東闕北闕前殿武庫大倉上自櫟
陽徙都長安未央宮碑作長樂宮者本史記語也
記又云惠帝視其窄狹發長安男女城長安云云
語亦見漢書惠帝紀五年春正月復發長安六百
里內男女十四萬五千人城長安三十日罷碑不
言三十日罷而以五千作六千則異也長安志秦
孝公始都咸陽及并天下置內史以領關中項籍

滅秦分其地爲三封章邯爲雍王都廢邱司馬欣

爲塞王都櫟陽董翳爲翟王都高奴高祖五年在
洛陽從婁敬說始都之此語又與漢書小異又据
西京雜記曰未央宮周匝二十二里九十五步街
道周四十七里潘岳關中記未央宮周旋三十一
里街道十七里諸說又與碑不同碑稱霸城門外
一里許有萬壽寺檢陝西通志載此寺語與碑同
而云寺有劉杲撰記誤以柳玳作劉杲也碑又云
改僧寺名化度寺改崇福寺溫國寺改崇聖寺經
行寺改龍興寺奉恩寺改興福寺今通志所載洪
福寺舊在西關貞觀間太宗爲穆王后追福立爲

宏福寺神龍間改爲興福寺溫國寺在城南四十

里隋名實際寺開元十五年改爲溫國寺

不云改崇聖寺

頌政坊龍興寺貞觀五年太子承乾立

不云經寺改

崇福寺在城東北五十里宣義里則天后建時

經多于寺

不云化度寺改

此所載不知卽碑所稱各寺否

也碑云萬壽一寺宣帝親幸賜額此宣帝謂宣宗

也

憫忠寺重藏舍利記

石橫廣四尺高二尺一分四十一行行二十一
字至二十三字不等正書在順天府憫忠寺

重藏舍利記

口街內殿講論兼應制大德沙門南敘述

僧知常書

茲舍利者昔隋文帝潛龍日有梵僧自印土至授舍利一瓶曰此釋迦佛遺形耳檀越可爲主洎登寶位年號煬皇至廿年改仁壽至仁壽二年壬戌正月勅天下六州一百處口舍利塔時幽州節制竇抗創造五層大塔塔飾以金碧扁舍利於其下至大唐文宗皇帝七

年八年甲寅經二百卅三年天火焚塔迺後五六年門

武皇廼口釋教至宣宗初登寶位歲在丙寅

後廢藍將興畚口得石函於故基下時旌麾綾

河公曉示人天

專

令俱施遷藏於憫忠寺多寶塔下復

經冊三載中和口年歲在壬寅又值火災延憫忠寺樓
臺俱燼旋遇燕口陶汰空侶不暮年

隴西令公大王大庇生靈巨崇像設捨己祿俸造觀
閣橫壯妙麗逾於舊貫寺僧復嚴陳力化導塑觀音
當景福壬子年僉欲遷舍利於閣內乃陳辭上瀆

請發封壤

上許之卽是年六月徒侶雲萃各竭

誠塵瑤曜靈香全人手未淹食頃俄逢巨函縫印香

記鐫貞石絲是撒其蓋發其緘舍利光芒異香郁裂

錄狀捧金函詣子東門上獻

旌幢中權後營皆

澡口沐心通宵瞻礼重沓餽施復還本寺顯示滅皇
俗口黃金瓶如麩麥量內藏一粒仁壽舍利也二粒在
塔口內又二粒在小金合子內又九十粒如銀粟狀在
琉璃餅內玉環二髮七綜金銅棺槨異香釵訓等今又
有二粒舍利光彩甚瑩在銀結縹琉璃餅內卽文臨壇
大德明鑒平昔隨身供養臨終授弟子捫忍今同收函
內別夫睚日久歿遺形尙留爲福人天堅固不壞幸遇
王臣信重正法興隆同於寶坊載礼金骨而今
而後何年更逢匪獨人心澆漓抑亦時侵末法重闕于
此觀音象前谷變陵摧猶憑刊石記曰

大燕城內 地東南隅 有憫忠寺 門臨康衢

有寶閣 橫雲築虛 閣有巨象 觀音聖軀 當

之前 緘于舍利 外石函封 內金函闕 填以

香 雜以环器 用記歲年 景福王子

葬舍利僧復嚴

景福元年十二月十八日記僧守因鑄

寺衆僧等

□□□□ 念誦大德義氤 律大德公弁 律大

德宏紹 僧宗楚 僧鴻徽 僧行信 僧行約

僧口泰 僧元之 僧元爽 僧思賢 □□□□

僧慶賓字僧公信字僧可誠字僧口字僧有注舍

上座僧般裕字僧都維那僧口誠字僧茶字僧

舍利塔一燔於大和八年一燼於中和三年至是僧

復嚴葬舍利於憫忠寺觀音像前碑中所云隴西令

公大王者李匡威也匡威欲遷舍利於閣內至拜疏

於朝請發封壤詔可而後行當時崇重法寶如是石

文字記字僧口字僧有注舍

右唐景福元年僧復嚴葬舍利于憫忠寺是歲李克

用王處存合兵攻王鎔李匡威救之有詔和解河東

及鎮定幽四鎮碑稱欲遷舍利于閣內陳辭請發封

壤上許之蓋匡威方恃燕薊勁旅有雄天下意宜有
請無不許者碑文侈陳發緘時舍利光芒異香郁烈
外石函封內金函闕其崇奉像教至矣迨明年匡威
復出師救鎔其弟匡儔據軍府自稱畱後匡威進退
無所之鎔迎于鎮登城西大悲浮圖顧望流涕未幾
以圖鎔見殺今匡威所建之閣遺跡已不可問其碑
僅存已踣佛脚碑上掇而出之搨以藏諸笥

曝書亭集

右碑題云唐重藏舍利記按此卽前會昌六年重藏

舍利而遷于閣內也聞舍利爲高僧茶毘後所遺

尤矜煒耀其質如石崇禎末先大夫觀阿育王舍利

其色微黃大如小豆客皆稱賀蓋舍利神異各隨其人之福量而爲之大小紅白無一定之形色先兄亦至阿育王寺觀舍利色微暈而卒于亂中先大夫年八十有六無病預知時至坐而遷化亦足見其神異

已

金石錄補

碑云隴西令公大王者朱錫鬯以爲李匡威以予攷之匡威之立在光啓二年八月歲在丙午而殞稱中和二年歲在壬寅值火災延憫忠寺樓臺俱燼又云不暮年隴西令公大王舍俸造觀音閣則造嬰之時匡威尙未建節所云令公者當是李可舉耳意書謄

鎮傳載可舉所授官甚略其稱令公而封王爵史宋
之及也可舉以光啓元年乙巳被殺李全忠代之明
年全忠卒子匡威爲畱後距壬寅已四年餘矣不富
云未朞年也碑于大唐文宗及武皇及宣宗及上皆
空二格其云旌麾清河公者張仲武也亦空二格書
之獨于隴西令公跳行書之當時河朔之俗知有節
使不知有天子久矣其云大燕者洽安史之僭稱也

潛研堂金
石文跋尾

吳承泌墓誌

殘本石高廣行字皆
不詳行書在咸寧縣

唐故內樞密使特進左領軍衛上將軍知內侍省事
國柱濮陽郡□□侯食邑一千戶食實封一百戶吳

公墓誌

并序

翰林學士朝議郎守尚書司封郎中知制誥柱國

賜紫金魚袋裴廷裕撰

翰林待詔朝散大夫檢校右散騎常侍守蜀□傳□

御史大夫柱國賜紫金魚袋□□書

昔周文以聖德受命太伯以□仁□王錫封于吳因國

□氏公□□泌字希白卽裔孫也曾祖□□贈金紫光

祿大夫內給事祖德□□□□□□□□上將軍□□□

宣□□朝□□特異出則縮兵符而臨巨鎮入則□□
□以□□□□宗皇帝將奉□丞□□公時
爲弓箭庫使送□□□□居□□□□□□
□□細之恃皆叅□□□金□贈朝散大夫內侍省內
侍□公則□子之□□□王□□□天仙河中府軍車
次河北傳檄諸道□□□之歲穎悟過人□始□經□
□□成□□□□足用□□乃□於書淫百氏九隆
□遇□□□破曹劉之堅□□光未仕流無不□擄而
又□高作賦納□□之□甚高名學□王右軍妙傳其
法受□□處士□□其師□韓□府□擇寶□□□□

公奔赴

行口口奏奉

先口口其忠口錫口

金章依前充口縣摧稅使口口口口榮書口口口口

口口伍口口公復歸

朝闕後改充南詔禮口副使

以口不行中和三年充許蔡通和口口口下齊之口口

優方口集事吹口之犬正衆不克前院彬彬首却復章

綬尋口疑地未辨口証

朝廷口之口口金口

先帝幸口口口口搜訪口能召口口公充西口方口

口口口切口口夫樂林園之趣馬相如彈口之地揚執

戟草廛之亭自有高情寧口口爵口帝口口口請便

充口川宣口使不口口

闕者數歲

聖上虔

承一 大寶振起頽口歷口口口口口口埋葬加內寺
伯判內侍省內給事綜領省務領袖廷臣張口則口博
舊章黃瓊則練達故事加內侍充學士使口徐口口口
口口口口口口口口口口通才光膺是口絲綸夜出
得口講陳口鳥會口口不宴口改宣徽北院使守右監
門衛將軍濮陽郡開國伯食邑七百戶口口口口口口
氏不口口口口口口口口地非所願也口讓者再三
口口口口口口口口口口口口口口二年改口
樞密使加特進左領軍衛上將軍知內侍省事濮陽郡
開國侯食邑一千戶食實封一百戶口口公素懷遠口

常切致

君大用口辰納忠不一其他扼制口務口

緝百司口口口書口口口口乾寧二年春正月二十日

薨于口水年四十五口君命也冬十月一日口

上口示中書門口許口口公昭雪十一月二十日

于京北府萬口縣漣川鄉北姚村禮口長男修口次男

修皆南遷未復小男修口口口公之季知象猶子如

已以書寓門口請銘于裴廷裕時爲口口口口口口

論思之地枚馬口草之司口口口公以精識下口口口

泗磬豐鍾內其聲不羣鸞翎鳳翼口口其口

口口大公之苦學口口公之好文口口果於盛日

口哇

明君

一言

闕百

闕道

闕是忠骨

藏之下泉

口祐

家國

闕

翰林待詔正口大夫檢校右散騎常侍

闕

御史大夫柱國賜紫金魚袋董瓌

諱符南陽中時

按吳承泌是內官兩唐書無傳撰人裴廷裕僅見

全唐詩小傳云廷裕字膺餘昭宗時翰林學士左

散騎常侍後貶湖南卒而不詳其里貫其詩有蜀

中登第荅李搏云何勞問我成都事又高捲絳紗

楊氏宅自註云時主文寓楊子巷則是蜀人也其

歷官惟翰林學士與此誌結銜合餘俱互異也書

者不見其姓名寰宇訪碑錄謂是閩湘書當必有據也誌云遂與易定節度使王處存同天子蒙塵之口口兵一萬屯東渭橋云云此是中和元年四月事舊書王處存傳涇原行軍唐宏夫敗賊將林言尙讓軍垂勝進逼京師處存自渭北親選驍卒五千皆以白繻爲號夜入京城卽其事也誌云後改充南詔禮口副使以口不行新書南詔傳中和元年遣使者來迎公主帝以方議車服爲解後二年又遣布燮楊奇肱來迎詔檢校國子祭酒張醮爲禮會五禮使徐雲虔副之亦卽此事也疑誌所

宗 泐字乃禮會副使以疾不行因別遣徐雲虔也中
和三年充許蔡通和口昭宗本紀是年十一月蔡
賊秦宗權圍許州十二月詔河東李克用赴援時
忠 蔡州秦宗權許州周岌構兵故昭宗遣使通和也
晉 誌云葬于漣川鄉北姚村此古村名可補長安志
事 所未備

賜錢鏐鐵券

鐫鐵嵌金文二十六行行
十四字正書在臨海縣

維乾寧四年歲次丁巳八月甲辰朔四日丁未皇帝若
曰咨爾鎮海鎮東等軍節度浙江東西等道觀察處置

營田招討等使兼兩浙鹽鐵制置發運等使開府儀同
三司檢校太尉兼中書令使持節潤越等州諸軍事兼
潤越等州刺史上柱國彭城郡王食邑五千戶食實封
壹百戶錢鏐朕聞銘鄧騭之勲言垂漢典載孔悝之德
事美曾經則知褒德策勲古今一致頃者董昌僭偽爲
昏鏡水狂謀惡貫深染齊人而爾披攘兇渠盪定江表
忠以衛社稷惠以福生靈其機也氛祲清其化也
疲羸泰拯於粵於塗炭之上師無私焉保錢塘成金湯
之固政有經矣志獎王室績冠侯藩溢於旂常流在丹
素雖鍾繇刊五熟之釜寶憲勒燕然之山未足顧功抑

有異數是用錫其金板申以誓詞長河有侶帶之期泰
華有如拳之日維我念功之旨永將延祚子孫使卿長
襲寵榮克保富貴卿恕九死子孫三死或犯常刑有司
不得加責承我信誓往維欽哉宜付史館頒示天下

中書侍郎兼戶部尚書平章事

臣

崔廙宣奉

附謝表

恩旨賜臣金書鍊券一道臣恕九死子孫三死者出
于睿眷形此綸言錄臣以絲髮之勞錫臣以山河之
誓鑄金作字指日成文震動神祇飛揚肝膽伏念臣
爰從筮仕逮及秉麾每自揣量是何叨忝所以行如

履薄動若持盈惟憂福過禍生敢忘慎初護末豈期
此志上感宸聰憂臣以處極多危慮臣以防微不至
遂聞聖澤永保私門屈以常刑宥其必死雖君親屬
念皆云必恕必容而臣子爲心豈敢傷慈傷愛謹當
日慎一日戒子戒孫不敢因此而累恩不敢乘此而
賈禍聖主萬歲愚臣一心臣鏐誠惶誠恐稽首頓首
游按唐昭宗乾寧四年遣中使焦楚錕賜吳越武肅
王鏐券以八月壬子至國是歲武肅始兼領鎮東節
鉞出師大敗淮南兵十八營定婺睦蘇湖等州而鏐
券適至蓋其國始盛時也及忠懿王入廟以其先王

所藏玉冊鍤券置之祖廟不以自隨淳化元年杭州
守臣以鐵券竹冊玉冊并詔誥等悉上之于朝時忠
懿王已薨太宗皇帝復以冊券賜王之子安僖王惟
潛安僖王薨券歸文僖公惟演文僖公薨券傳仲子
霸州防禦使晦霸州侍仁宗皇帝燕閒帝問先世所
賜鍤券欲見之霸州并三朝御書以進帝爲親識御
書之末復賜焉文僖之孫開府公景臻尙秦魯國大
長公主游年十二三時嘗侍先太夫人得謁見大公
主鍤券實藏卧內狀如筓瓦今七十餘年乃得見錄
本于武肅諸孫樞家後十字蓋文僖手書游家舊藏

文僖書帖亦有押字皆與此同武勝軍節度使印則
文僖尹洛時所領鄧州節鉞也

放翁
文集

緜平次將良齡

吾鄉錢叔琛氏贊乃武肅王之諸孫也其家在郡城
外東北隅亭臺沼沚聯絡映帶猶是先朝賜第與余
相友善嘗出示所藏鏤券形宛如瓦高尺餘濶二尺
許券詞黃金商嵌一角有斧痕蓋至元丙子天兵南
下時其家人竊負以逃而死于難券亦莫知所在越
再丙子漁者偶網得之乃在黃岩州南地名澤庫深
水內漁意寶物試以斧擊之則鏤焉因棄諸幽一邨
學究與漁鄰頗聞賜券之說買以鏤價然二人皆不

悟其字乃金也有報于叔琛之兄者用十斛穀易得
青氊復還誠爲異事時余就錄券詞一通叔琛又出
武肅當日謝表稿併錄之昨晚檢閱經笥偶得于此
紙中轉首已三十餘年矣人生能幾何哉漫志于此
按史唐僖宗乾符五年王仙芝餘黨曹師雄寇掠二
浙杭州募兵使石鏡都將董昌等以討之臨安人錢
鏐以驍勇事昌爲兵馬使中和元年昌爲杭州刺史
光啓二年昌謂鏐曰汝能取越州吾以杭授汝鏐攻
克之昌遂徙越以鏐知杭州事三年昌爲越州觀察
使鏐爲杭州刺史昭宗景福元年爲威勝軍防禦使

二年爲鎮海節度使乾寧二年昌僭號鏐遺書曰與其關門作天子與九族百姓俱陷塗炭豈若開門作節度使終身富貴邪昌不聽鏐以狀聞削奪昌官爵委鏐討之三年昌伏誅鏐令吏民上表請兼領浙東朝廷不得已以爲鎮海鎮東節度使改威勝曰鎮海天復二年進爵越王天祐元年更封吳王梁太祖開平九年以爲吳越王乾化二年加尙父末帝貞明二年以爲諸邑兵馬元帥二年以爲天下兵馬元帥龍德三年以爲吳越王鏐始建國儀衛名稱多如天子之制惟不改元置百官有丞相侍郎客省等使唐明

宗天成四年削鏐官爵初鏐嘗遣安重誨書詞禮甚
倨及朝廷遣奉使烏昭遇韓玟使鏐還玟奏昭遇見
鏐稱臣拜舞重誨奏賜昭遇死鏐以太師致仕自餘
官爵皆削之長興二年鏐卒鏐寢疾出印綬授子元
瓘曰子孫善事中國勿以易姓廢事大之禮卒年八
十一史稱乾寧三年秋九月以鏐爲鎮海鎮東節度
使而券詞乃四年秋八月何邪史稱儀衛名稱如天
子之制惟不改元程大昌演繁露云寶正六年歲在
辛卯見封落星石制書辛卯乃唐明宗長興二年寶
大元年羅隱新城縣記云癸未歲癸未乃唐莊宗同

光元年以此知吳越雖稟中原正朔既長興同光年
號與其寶正寶大同歲而名不同知吳越自嘗改元
審矣又僧文瑩湘山野錄云唐昭宗以錢武肅王平
董昌拜爲鎮海鎮東節度使中書令賜鐵券羅隱爲
誤謝表迨莊宗入洛又遣使貢奉懇請玉冊金券有
司定議非天子不得用後竟賜之鏐卽以節鉞授其
子元瓘自稱吳越國王名其居曰殿官屬悉稱臣又
于衣錦軍大建玉冊金券詔書三樓遣使冊東夷諸
國封拜其君長幾極其勢與向之謝表所陳處極防
微累恩賈禍之誠殊相戾矣禪月貫休嘗以詩投之

有滿堂花醉三千客一劍霜寒十四州之句鏐愛其
詩遣客吏諭之曰教和尚改十四爲四十方與見休
性徧介謂吏曰州亦難添詩亦不改然閑雲野雀何
天而不飛邪遂飄然入蜀鏐後果爲安重誨奏削王
爵以太師致仕重誨死明宗乃復鏐爵位錢受徵吳
越備史鐵券考鐵券之制其形如瓦方廣約一尺五
寸許蓋鎔鐵而成又鏤金其上者也唐昭宗乾寧四
年八月遣使焦楚鎡賣券以賜彭城郡王鏐券文三
百三十三字晶光閃爍天語溫純櫝而藏之家庶久
矣宋太宗淳化元年杭州守臣以前券及竹冊玉冊

各三副詔誥百餘函進呈詔賜還忠懿王嗣子惟濬收貯比仁宗登極霸州防禦使晦侍燕閒及鐵券進呈錄本及先朝御書元豐四年特令朝奉大夫權知開封府事藻進呈鐵券仍降付本家永傳後裔宋末元兵破台城沉之深水中者五十六年至順二年漁人獲而售之宗人世珪家國朝洪武二年太祖大封功臣下禮官議鐵券制學士危素奏唐和陵時賜武肅鐵券見在上遣使卽家訪焉世珪子尙德奉詔券及五王遺像以進上御外朝與宣國公李善長等觀之賜宴中書省命鏤木爲式給還券像二十一年孫

克邦以大臣薦赴闕吏部引見因以錢氏納土至今
子孫尚存論北方歸降者已見東宮殿下亦問到今
幾代除授江西建昌府知府二十三年卒于官都察
院查勘任內稅糧鈔劄到京子汝賢供係吳越王嫡
派有鐵券爲照本院官引見蒙聖旨着孩子靠前來
遂於奉天殿丹陛前欽奉玉音云五代時天下大亂
各據偏方爾祖能使兩浙之民不識兵革到宋朝來
知道宋太祖是箇真主便將土地歸附券與你保守
田產家財都給還一時縉紳士夫爭爲詩文贈送歸
台州卽今藏於宗子鳳墀家雖券文稍有剝落而千

百年故物世守弗墜云

陶宗儀
輟耕錄

吳越武肅王錢鏐唐昭宗乾寧四年賜鐵券其事史
載頗詳宋末兵亂券沒水凡五十六年爲漁者所獲
其十四世孫世珪始購得之時元至順二年推券之
失當是景炎元年也明洪武二年上將封勳勞之臣
遣使者訪其家尙德負券及五王像來詣闕下上特
御朝與羣臣共觀命工仿其制不盡肖上乃還券禮
遣東歸其後台州亂其二十五世孫珍負檣匿山中
乃免辛卯四月予遊台州與顧子赤方得其觀券券
字金色爛然因沒水久後半多剝蝕獨首行朔字爲

明高皇帝引佩刀剔去以觀刻畫之深淺者世守垂
八百年失而復得豈非鬼物護持之力哉

陶澂鐵券詩序

謹按鐵券之制其形如瓦長一尺八寸三分濶一尺
一寸厚一分五釐重一百三十二兩文三百三十三
字其畫皆外狹中寬晶光閃鑠詞語溫純忠懿王入
朝詔賜藏之汴京昭化坊賜第神宗時駙馬都尉景
尙主宗器屬焉券遂安于都尉之第靖康元年金人
入寇詔公主子榮國公忱奉母出居于江南以券行
因避地湖湘間紹興元年遷台高宗遂卽台城崇和
門內賜公主第由是券世藏於台之美德坊德祐二

年丙子元兵南下破台時其家人竊負以逃莫知所
在迨至順二年辛未漁者偶網得之宗子叔琛之兄
世珪用十斛穀易得之明太祖洪武二年其十五世
孫尙德字允一號存齋天台人元末官青田教諭實
寶藏之尙德者卽世珪子也奉詔以進陛辭日命還
券像劉基宋濂王禕等咸贈以詩永樂五年正月差
行人曹閩馳驛至台十七世孫廣西叅政汝性同行
人奉券進呈覽畢以禮敦遣藏于宗子鳳墀家前後
數百年中其間或顯或晦皆若先靈式憑台郡邑志
俱以是券爲古蹟名南少時卽嘗觀表忠譜畧知始

末今幸恭逢

聖駕南巡其裔孫嘉禾尚書陳羣率台族子選等進呈御製歌詩垂訓萬古是券遭遇夫豈鼎彝敦貞徒以世

遠得名者所可比並也哉

齊召南鐵券攷

唐昭宗賜吳越王錢鏐鐵券計三百三十二字字畫

全者一百四十七第十四行社稷自起一行書之第

十九行未足頌功諸書皆作顯功此字尙宜審也鏐

景福二年拜潤州刺史故云潤越等州十國春秋輟

耕錄諸書作閩越者誤也陶宗儀又謂鏐拜鎮海鎮

東節度使在乾寧三年九月而以券詞四年八月爲

疑然鏐拜爵後至次年始賜券自是兩事無足疑者
鏐之稱天寶元年在唐天祐五年戊辰而輟耕錄亦
未之詳考也

翁方綱跋

陳史始天開越善世十國睿

舊唐書昭宗紀乾寧四年九月癸酉朔制以鎮海軍
節度使錢鏐爲鎮海軍節度浙江東西道觀察處置
等使杭州越州刺史上柱國吳王攷其時鏐實兼鎮
海鎮東兩鎮而紀祇書鎮海軍所領者潤州刺史而

紀書杭州皆其脫誤

潛研堂金石文跋尾

王審知德政碑

碑高一丈六尺九寸廣七尺三十
三行行八十一字正書在閩縣

大唐威武軍節度福建管内觀察處置三司發運等使
特進揀校太保同中書門下平章事使持節都督福州
諸軍事兼福州刺史上柱國瑯琊郡王食邑口口戶食
實封壹伯戶王審知

德政碑銘

并序

銀青光祿大夫行尚書禮部侍郎上柱國臣于兢奉

勅撰

粵自範金合土之制雲師火紀之名禹別九州堯咨四
岳莫不柬求良輔靈濟兆人彰克勒克儉之能垂可久
可大之業嗣太叔寬猛之政循仲尼富庶之言旣茂勲

勞宜標篆刻公名審知姓王氏瑯琊人也其胙土命氏
疏源演派代濟其美史不絕書後以大祖就祿光州因
家于是郡焉曾祖友贈光祿卿王父蘊玉贈秘書

少監父恁贈光州刺史繼贈太尉公卽太尉之季子

也初公兄潮志尙謙恭譽藹鄉曲善於和衆士多歸之
福建節度使陳巖旣嚮其名又以所屬泉州求牧乃遣
禮而請之及到任頗著嘉聲後巖在軍病甚不能視事
軍士等懼無統御皆願有所依從泉牧遂以郡委於仲
弟審邦而與公皆赴至則積惡者屏去爲善者獲安因

詔授節度使累加檢校右僕射於是剗其訛弊整其

章條三軍無譁萬姓有奉乾寧三年僕射遭疾且付公
以戎旅仍具表奏尋加刑部尚書威武軍留後

俄授金紫光祿大夫右僕射本軍節度使公器局端雅
識理融明稟嵩嶠之真精得圮橋之妙略及膺

帝命寵陟齋壇細柳連營旌旗動色蒲盧莅政草樹逢
春一年而足食足兵再歲而知禮知義方隅之內仰止

攸同曩以運屬艱虞人懼昏墊農夫釋耒工女下機公

既統藩垣勵精爲理强者抑而弱者撫老者安而少者
懷使之以時齊之以禮故得汚萊盡闢雞犬相聞時和
年豐家給人足版圖旣倍井賦孔殷處以由庚取之盡

徹夫述職之道宜貢爲先九丘爰序於厥苞伍伯是徵
於縮酒雖旬服之近江漢之中或遇阻艱亦絕輪賦唯
公益堅尊獎慎守規程松栢後凋風雨如晦地征旁午
天庫充盈其仰勤劬咸知圭戴常以學校之設是爲教
化之源乃令誘掖童蒙興行敬讓勿已佩於師訓長皆
寘於國庠俊造相望廉秀特盛閩川以南地惟設險人
尙爭雄或因饑饉荐臻或以刻剝爲苦藿蒲易聚巢穴
難探公感之以恩綏之以德且曰吏實爲虐爾復何辜
示以寬仁俾之柔服遂數十年之氛祲遽致廓清一千
里之封壇旋觀昭泰張綱以單車入壘虞詡用絳纓擒

奸以古况今彼猶懷愧爰自天寶艱難之後經費寔繁
聚斂之臣名額滋廣卽山鳩利任土庀財峻設隄防頗
聞調贍洎纏烽燧仍患崎嶇三司之職務空存四海之
輪蹄鮮至公按其程課令以權衡盡可舊規尤彰宏業
而又奉大雄之教崇上善之因象法重興道師如在虹

梁雕栱重新切利之宮鈿軸牙籤更演毗尼之藏而又

盛興寶塔多捨淨財日麗飛堯霞攢綵檻頑豔迴向遠

還歸依用俾群緣皆同妙果佛齊國雖同臨照靡襲冠

裳舟車罕通賅費獻口者亦踰滄海來集鴻臚此乃

公示以中孚致其內附雖云異類亦慕華風宛土

龍媒寧獨稱於往史
僚支雀卵諒可繼於前聞
自燎熾西秦煙飛東觀
魯壁之遺編莫採周陵之墜簡
寧存丞

命訪尋精於繕寫
遠貢劉歆之閣不假陳農之求
次第籤題森羅卷軸
夫四隣共守蓋當偃草之期
七德方修必假禦衝之備
是以恢張制度固護基扃
程功而莫匪子來作事而適當農隙立崇墉之百雉
表巨屏於一方

巖邑湯池會何足數
折筯繁帶固不可憑
未若暫勞致

茲永逸兵戈
若起帑庾多虛
凡列土壻悉重征稅
商旅以之而壅滯
工賈以之而殫貧
公則盡去繁苛
縱其交

易開譏郵市匪絕往來衡麓舟斂皆除守禦
故得填郊

溢郭擊轂摩肩竟孰廉讓之風騶都樂厚之作聞起之
境江海通津帆檣蕩漾以隨波篙楫崩騰而激水途經
巨浸山号黃崎怪石驚濤覆舟害物公乃具馨香黍稷
薦祀神祇有感必通其應如響祭罷一夕震雷暴雨若
有冥助達旦則移其艱險別注平流雖畫鷁爭馳而長
鯨弭浪遠近聞而異之公出優詔獎飾仍以公之德

化所及賜名其水爲甘棠港神曰顯靈侯與夫召神人

以鞭石馭力士以鑿山不同年而語矣於戲辨貞金於
大冶認勁草於疾風不有良田誰康澤國尋就加平章
事檢校右僕射如故署懸相印手握兵符益壯軍聲弥

新

殊渥又改光祿大夫檢校司空轉特進檢校
司徒然而物議輿詞功厚賞薄以爲爵祿未稱疇庸於
是異姓分封仍加井邑轉檢校太保瑯琊郡王食邑四
千戶食實封壹伯戶公之仲兄審邦自守泉郡一紀于
茲黠馬皆調疲人盡泰公性惟雍睦氣稟溫和韻契墳
簾政侔魯衛可謂高明輝映超絕一時者也公以

天

下兵

馬元帥太尉中書令梁王勲格穹昊德服華

夷奉大國之歡盟爲列藩之表率今節度都押衙程贊
及軍州將吏百姓耆老等久懷化育願紀功庸列狀

上聞請議刊勒

元帥梁王以公如河誓著

口石情堅累貢表章顯陳保
朝廷冀靈誘勸

特示褒揚將建龜趺合徵鴻藻兢謬居清列曾乏雄文
頃歲嘗詠皇華往宣宸旨已於視聽親飭徽猷

今之執簡濡毫得以研精覃思備陳懿績實無愧詞乃
作銘曰

日月麗天舟楫濟川
內外克又股肱惟賢淮

水長清緱嶺方寧
慶隨祚遠材爲時生伯氏

雄特靈泉人仰德
求瘼斯勤頌條有則
冠軍被

疾重付以師律
政教翕張士庶寧謐
懿彼閩越

師實英傑地列周封
心馳魏闕聖澤汪洋

元戎啓行 有典有則 爲龍爲光 高懸秦鏡

理道自靜 比屋懷仁 連營稟令 航海梯山 貢

奉循環 是務其輸委 無憚險艱 周征之術 公田

什一 約以有程 守而勿失 輕徭薄賦 謳歌載

路 高掩龔黃 遐追邵杜 鄉校皆遊 童蒙來求

雅道靡靡 儒風優優 惟虺吹毒 久依山谷

罔恣陸梁 竟欣柔服 法寶梵宇 勝因所主 崇

構斯精 福慶攸聚 佛齊之國 綏之以德 架浪

自東 驟山拱北 墜簡遺編 繕寫精研 麟臺矗

白石 武觀森然 畚鍤其勤 雉堞連雲 永制不敵

用壯我軍 關譏不稅 水陸無滯 遐邇懷來

商旅相繼 黃崎之勞 神改驚濤 役靈祇力 保

千萬艘 劉驥荀龍 填篋雍雍 惟邦惟翰 以侯

以公 元帥梁王 武步龍驤 挺彼七德 削平四

方 公能事大 推心斯在 風雨無踰 歲寒不改

殊勲茂績 盡瘁宣力 湖國之丹青 邦之柱石

位冠台鼎 兩任隆兵柄 重以徽章 寵分異姓 優

詔銘功 千古英風 貞珉是勒 垂之無窮

天祐三年丙寅歲閏十二月一日准 勅建

將任郎前守京北府鄆縣尉直齋文館王侗書口口

按碑有缺字吳任臣十國春秋載此文今據以增
注撰文者于兢書者王侗皆無攷碑云公名審知
姓王氏瑯琊人也後以大祖就祿光州因家于是
郡焉兩五代史皆云王審知字信通光州固始人
十國春秋云五代祖暉爲固始令民愛其仁畱之
因家焉然則碑云太祖者卽五代祖暉也碑云兄
潮士多歸之福建節度使陳巖請牧泉州巖病軍
士無統御臬牧遂以郡委于仲弟審邦而與公皆
赴云云歐五代史王審知傳稱唐末羣盜起壽州
人王緒攻陷固始緒聞潮兄弟材勇召置軍中以

潮爲軍校

薛史云時潮爲縣佐緒署爲軍政

是時蔡州秦宗權募

士益兵以緒爲光州刺史召其兵會擊黃巢緒遲

畱不行宗權發兵攻緒緒率衆南奔自南康入臨

汀陷漳浦緒性猜忌潮頗自懼說其前鋒將擒緒

推潮爲主

薛史云緒衆求帥乃刑牲歃血爲盟植劍躍于地衆以爲神時泉州刺史廖彥若貪暴潮略

神異卽奉潮爲帥

地至其境耆老畱之潮圍彥若逾年克之光啓二

年福建觀察使陳巖表潮泉州刺史景福元年巖

卒

薛史作大順中巖卒

其壻范暉自稱畱後潮遣審知攻暉

破之唐卽以潮爲福建觀察使以審知爲副使十

國春秋云王緒取光州時潮爲縣佐史與弟審邽
審知以材氣知名邑人號曰三龍緒署潮爲軍正
主廩庾緒南奔陷漳浦初以糧少故兼道馳約軍
中曰以老孺從者斬潮與二弟時奉母行緒切責
潮欲斬其母潮等請先母死會諸將士皆爲請遂
舍之有術士望軍氣言軍中當有暴興者緒益猜
忌前鋒將擒緒推潮爲主潮乃除地剗劍祝曰拜
而劍三動者我爲主至審知劍躍于地衆以爲
神皆拜之審知讓潮自爲副

餘與兩
史同

此審知與兄

入閩之緣起也碑云乾寧三年僕射遵疾付公以

戎旅仍具表奏尋加刑部尙書云云僕射者潮也
十國春秋從通鑑作四年冬潮有疾十二月丁未
潮薨與碑差一年十國春秋又云天祐元年夏四
月唐遣右拾遺翁承贊加審知檢校太保封瑯邪
王食邑四千戶食實封一百戶

碑載此語
無年月

又云是

歲建報恩定光多寶塔于福州天祐二年夏四月

王藏佛經于壽山凡五百四十一函總五千四十

八卷三年七月鑄金銅佛像高丈有六尺鑄菩薩

像二高丈有三尺卽碑所云奉大雄之教崇上善

之因虹梁雕栱重新切利之宮鈿軸牙籤更演毗

尼之藏盛興寶塔多捨淨財日麗飛霓霞攢彩檻
者是也又云海上黃崎波濤爲阻審知禱于海神

一夕風雨雷震擊開爲港封其神曰靈顯侯

原注一作

顯應侯碑載此事大略相同惟靈顯侯作顯靈侯爲

異十國春秋又云天祐二年築南北夾城謂之南
北月城合大城而爲三周二十六里四十八百丈
卽碑所云恢張制度因護基局立崇墉之百雉表
巨屏于一方者是也十國春秋又云是時命管內
軍州搜寫遺書以上卽碑云亟命訪尋精于繕寫
遠貢劉歆之國不假陳農之求次第籤題森羅卷

轉者是也十國春秋又云佛齊諸國來賓卽碑云
佛齊國舟車罕通賚罔獻亦踰滄海來集鴻臚
者是也佛齊卽三佛齊兩唐書及兩五代史皆不
載惟宋史云三佛齊南蠻別種與占城爲鄰其王
號詹卑人多蒲姓可知在唐時未通職貢王審知
又係僭僞之國故其來賓不列史傳也十國春秋
又云唐以梁王全忠卽碑所謂天下兵馬元帥
卽謂此碑也梁王全忠卽碑所謂天下兵馬元帥
太尉中書梁王是時昭宗遇弒哀帝嗣位本紀書
天祐三年閏十二月己酉朔福建百姓僧道詣闕

請爲節度使王審知立德政碑從之是時朝廷命
令多出梁王秉筆者尙存大體故本紀特書哀宗
之從碑文特書梁王之請其實皆具文也然玩碑
文但頌功德不及祠祀之事則十國春秋所謂建
祠福州者又不知何所本也碑文書檢校太保標
題作揀校他碑未見撰人于兢稱臣書者王侁不
稱臣蓋書非奉勅也

尔朱遠墓碣

碣高廣俱一尺七寸五分二十五
行行二十四字正書在郟陽縣

唐故銀青光祿大夫檢校太子賓客兼監察御史柱國

河南尔朱府君墓碣

并銘

廣平程彥矩撰

府君其先河南郡人也曾祖祐任主客郎中祖澤同州
韓城令厥考弁歷左金吾引駕仗押衙銀青光祿大夫
檢校太子賓客俱積德行負綠車服口府君諱達字
正道少倜儻有氣不謹小節雖家藏巨萬視之蔑然輕
玉帛若糞土重然諾不顧千金議者曰斯亦豪傑人耳
初職繫懷州軍事押衙後改授山南東道節度散兵馬
使始銀青光祿大夫檢校太子賓客兼監察御史由山
南授東都畱守押衙其階與檢校官口監察仍舊勲加

柱國以 府君之用心磊落蔚有才智觀其口必可

捍難口敵揣其義必可赴湯蹈火則其位殆不稱口口

口口然口口口度有規將構第渚宮豈止於榱桷宏壯

費棟膠口口口口云口口結峻宇以踈氣鑿巨沼

以瀦流口樹森羅口口口口郡內口絕岡有口比世

居馮翊慈親在焉 口口口口口遙不克迎養同

氣八人更迭定省悉著行口口口十四口口口公事開

連計司輓運之勞咸稱幹監每休口口口屬口口口

間有愛睦如也里巷益多 府君之口口以仰止口

口口口未嘗不應人由是歸嗟乎未及下壽以其年五

月六日□□□卒于江陵府無竟里私第享年卅有九
娶河南□□□男一人春郎六歲歲女相相六歲歲
用當年十一月□□□叶歸葬同州澄城縣武安鄉
永平營親第遜□□□特以哀命見請銘于貞石
文曰

彼蒼者天禍福茫然欲問其緣杳漠無言俄□□□
有後先積善何爲報應元元孰云有後□□□□
慶返在□他年

府君名達字正道云云號年殘泐不可得朱家河本
名大谷河世傳爾朱之後改爲朱氏居于河濱因建

達廟砌此碣于廟內近世陝人某作彼縣志卽以此

爲廟碑誤矣

關中金
石記

右尔朱達墓碣廣平程彦矩撰攷其歷官始爲懷州
軍事押衙改授山南東道節度散兵馬使改東都畱
守押衙洪容齋續筆云唐自肅代以後賞人以官爵
久而浸濫下至州郡胥吏軍班校伍一命便帶銀青
光祿大夫階殆與無官者等明宗長興二年詔不得
薦銀青階爲州縣官賤之至矣此尔朱達正以軍校
而帶銀青階者也達卒於江陵府無竟里私第竟卽
競字

歸葬同州澄城縣武安鄉碣已損一角有年月而不

得其紀年大約在中葉以後矣江寧嚴侍讀道甫遊秦中搨以見貽云石在郃陽縣西卅里朱家河自來

收金石家所未見也

潛研堂金石文跋尾

真空塔銘殘石

石後殘缺僅存前六行高一尺五寸廣五寸五分每行十七字正書

唐崇業寺故大德禪師尼真空塔銘

并序

禪師諱真空俗姓申氏馮翊郡朝邑人也植性明悟天姿卓越六度口口稟自齠年口戒深仁行諸早歲旣而口口宿善童子出家訪道口口与波口而無異練心闕

下闕

大德禪師碑額

額高一尺五寸九分廣一尺二寸五分
九字作三行正書在咸寧縣薦福寺

皇唐三階大德禪師碑

此不知何碑之額今存寺中碑猶存半截却無一字

可見

關中金
石記

長樂鏡銘

徑七寸八分銘
三十三字篆書

連 日 鉞 羊 清 而 日 出 烏 鎮 因 日 文 車
延 年 益 壽 去 而 羊 興 无 屯 而 日 月 出

興 匡 樂

凍 治 銅 華 清 而 明 以 之 爲 鏡 因 宜 文 章 延 年 益 壽 去 不

羊與天无極而日月之光長樂

水星鏡銘

徑九寸五分銘

二十字篆書

永保命水銀星陰精百鍊得爲鏡八卦壽象備衛神

水光鏡銘

徑六寸五分銘

二十字正書

玉匣邪開蓋輕灰拭夜塵光如一片水影照兩邊人

寫衣鏡銘

徑六寸銘三十二字正書

絕照覽心圓運屬面藏寶匣口口掩掛玉臺而影見鑒
羅綺于後庭寫衣簪乎前口

元卿鏡銘

徑三寸八分銘二十六字篆書藏余家

日初升月初盈纖翳不生育茲萬形是日櫻寧瑩乎太

櫻寧瑩乎太

清元卿

日初升月初盈纖翳不生育茲萬形是日櫻寧瑩乎太

青鸞鏡銘

徑三寸八分銘二十八字正書藏余家

月樣團圓水樣清好將香閣伴閑身青鸞不用羞孤影
開匣當如見故人

按山左金石志跋此銘謂首句清字與身人同韻
補段若膺四聲音均表所未備然七言律絕起句
晚唐五代多有借韻者且真文庚青自古間有通
用顧氏寧人毛氏大可於唐韻正及古今通韻史
已詳載之不足異也

日新之功不日異也

甲子年入于丑大河外樹五文古今無歸更
與得正分委齊備歸齊且直文與青自古聞有
辭與昔觀西觀音以美思來前然法言華歸更

四世當眼良始人

以對圖水對浦被種香閣中閑良青鏡不用裝原漫

八字五書換余京

金石萃編卷一百十九

賜進士出身 誥授光祿大夫刑部右侍郎加七級王昶撰

五代一 梁

匡國節度使馮行襲德政碑

碑甚殘缺高廣俱無攷其前文失下截僅存二十七
行行止四十六字後文失上截僅存三十行行約五
十六字正
書在許州

口林學士奉 口口口工部侍郎口 制下
缺

上缺字不可 紀後仿此 九五山川口口口之口口口口口風水
下缺

字不可紀 後仿此 聖口神武雪五老口星口口負鼎之 缺

懿口口口口口耿賈政邁黃韓口若匡國口口度陳許

汝□□州缺食菜□□□□□氏雖系出長樂□家遷

□當世緒紛綸□□飛□相缺而平□□正色以威

嚴光郎□應於□□媛□□猛獸□□□□□

□□□□□□□石羽林缺江漢氣貫斗牛騰凌

追千里之蹤嘯傲負四方之心□□□□□□□□

□□□□翁知功名缺吐□□□□有孫喜者聚徒數

千人□□莫遏將□□□□□□□□大驚怖無

可奈何公乃白缺於南□□□□軍吏迎謁公在側擊

之□□□□□□□□□□□□之盡□□□

兵□□□□□臣缺威秦山山□□崢嶸繚□□□臨

□□公□□□節度□□□□□□□□□□□□□□□□

□□□□□□□□本尋源提綱振領害於缺食者民之公

也不可以不勤其□穡兵者□□器也□□以□端其

號令□□□□□□□□□□□□□□□□□□□□

刑□□吾□之矣爾第缺懦者歡悅□□頰語剛斷□

□□者又□□□□素□□命□□□□冬聚善□□□

□□□□□□□□□□□□□□□□□□□□交來

而復缺艱□□□□□之威龔遂去□□之患□□

倦蕩拚咸歸□□民寬□□□□□□□□□□□□

夜□□□□□□□□□□□□□□恤惟刑缺麻冬之宜

治彼□□□□□□推□□堤之□□慙功自□□□

□□□□□□□□仰稽前□□瞰遺蹤□□祀□□

之謀味缺果應於牧人滯穗□□□□□□寡婦□年

內□□□□四千三百□□□□□□□□□□□□

□□□□奏□連□□□□□□□□地而缺咸知□物之

方向者公□□□□軍衙□□□□再□□□□□規模

廳□□□□門□□□□□□□□□□□□雄廣厦聳

□□□□□□□□色路缺類忽有烏鵲羣萃啄食無□□

□□□□□□□□東□□□孤勤瘁南□□□□□吞

螟□□□□□□□□□□□□□□□□□□□□□

縣百缺年□縣麥秀兩岐□□□□□□觀□□□長

社縣□□一莖四穗□□□□不□□□□□□□

□□□□□之□蹈□□仁□□不足含缺鉤距運籌

史□□□□□□□□平仗鉞稜威謝□□□□方□□

□□□□□□□□□□□□藝軍□講學馬上

注書揮□□立視飛缺飯帳下之扉渠□□皆感吮癰

樓中之□首蛾眉□□□□閨□□□□組□譚董□

□□□□煙□□之□□常□□□□□□偃草功著分

缺

缺 高飛將□□□洞窟姝□榦□□章□刃□□□

口 韃入仕 勇敵万口 口口口口 口口當路 口

口 風生 桓桓虜口 智口口強 缺 送昏拯 劔斬

頑鬪 帝念馮公 忠口口口 朝稱口口 左提右

口 口口口口 口口瑞節 望塵肯悅 公至若何

缺 類赤肩 口同白額 乃芟乃夷 乃梟乃磔

外戶不口 下民口口 口口口口 口食為天 一

誠藿口 口口口田 耒耜接肘 缺 保豐穰 取之

盍徹 巨害既去 織惡皆除 頌宣口口 慎恤刑

書 口口口口 囹圄常虛 口儵薄口 政叶口虜

老口口懷 缺 口交映 朱扉洞開 口優馬口

口燕臺 惠洽口里 口飛九陔 口口口口 和氣

充塞 麥秀兩歧 禽吞口騰 口口口口 缺人頌

德

缺 八月甲午朔十八日辛亥建

朝議大夫前光祿口卿上柱國李麤懿書

將仕郎守 缺

碑字摩滅可辨者云有孫喜者聚徒數千又云軍
迎謁公在側擊之其事具薛居正五代史列傳云

宗在蜀有賊首孫喜者聚徒數千人欲入武當刺

呂睢惶駭無策畧行襲伏勇士于江南乘小舟送

謂喜曰郡人得良牧衆心歸矣但緣兵民多懼擄
若駐軍江北領肘掖以赴之某前導以慰安士民
立定也喜然之旣渡江軍吏迎謁伏甲奮起行禮
喜仆地仗劍斬之卽其事也又云忽有烏鵲羣萃
食無口又云年口縣麥秀兩岐薛史云境內有大
等烏羣鳥啄食不爲害民或艱食必有糴穀出于
畝亦其事也撰碑人殘缺惟前一行存翰林學士
數字薛史云遷匡國軍節度使在許三年上供外
追助軍羨糧二十萬石及太祖郊禋行襲請人期
獻巨萬恩詔殊厚等詔翰林學士杜曉撰德政碑

賜之則此正其德政碑曉所撰也碑應建于天祚中
今僅存八月甲午朔十八日辛亥建云云而已舊

見篆額在州治前民舍中人稱長樂王德政碑頂屬

知州李君煒掘土出因移置學宮

中州金石記

碑殘剝前列翰林學士奉旨及工部侍郎案翰林

士者卽杜曉也歐史梁紀開平三年春正月辛卯

事於南郊後書九月翰林學士充承旨工部侍郎杜

曉同中書門下平章事據是則碑之賜立有工部侍

郎字必當正月後及曉九月前未轉戶部時矣傳紀

並言承旨碑作奉旨以避梁祖嫌名故也又題朝議

大夫前光祿口卿上柱國

缺

李宏懿書體勢規步率

更深入其奧然當時不聞以書名何哉行襲傳薛史

云武當人歐史云均州人証之碑所書家遷武當世

緒紛綸是薛史據其遷時占籍言之而唐書僖宗紀

光啓元年四月武當賊馮行襲陷均州逐其刺史呂

煜並與碑稱武當合矣然則歐史爲非實也

授堂金石跋

鎮東軍牆隍廟記

碑連額高六尺一寸廣三尺九寸二分共大小字三十五行大字行十九字小字前十行行三十八字後八行行四十字正書

在紹興府臥龍山

重修牆隍神廟兼奏進封崇福侯記

若夫冥陽其理之規人神相贊之道傳於史冊今若同
符切以浙東地号奧區古之越國當舟車輻湊之會是
江湖衝要之津自隋末移築子牆口遷公署據卧龍之
高昇雉堞穹崇對鏡水之清波風煙爽朗緬惟深固宜
叶冥扶 故唐右衛將軍惣管龐公諱玉頃握

圭符首臨戎政披榛建府吐哺綏民仁施則冬日均和
威肅則秋霜布令屬牆愛戴黔庶謠謠等而罷市興嗟
餘芳不泯衆情追仰其立嚴祠鎮百雉之崗巒宰軍民
之禍福殿堂隆邃儀衛精嚴式修如在之儀仰託儲靈
之廕往載暨生劉氏妖起羅平予躬稟 睿謀恭

行 天討數年環甲兩復越牆皆資彤鬻之功以
就戡平之業特爲重增儀像嚴潔性牢迺來四野無塵
重門罷柝丁卯歲揚旌東渡巡撫軍民躬奠椒漿目瞻
靈像每暢吳風越俗其歌道秦人安昔爲兩鎮之疆今
作一家之慶遂馳牋表請降封崇所冀 朝恩与
漢牧齊標美稱其秦巒對聳 天澤果
賜允俞須崇福之嘉名昇五等之尊爵其所奉

勅命具列如左

勅鎮東軍牆隍神龐玉前朝名將劇郡良材傾因剖竹
之辰實有披榛之績勅修府署綏緝吏民豈獨遺愛在

人抑亦垂名終古况錢鏐任隆三鎮功顯十臣能求
而不同致效靈而必應願加懿号以表冥符宜旌岌岌
之功用顯優隆之澤宜賜号崇福侯仍付所司陳至
勅者

噫乎人惟神祐神實人依爰自始建金湯肅陳祠宇
茲中壘三百來年雖享非馨未登列爵今則值予佐

國連統藩維啓吳越之雙封爲東南之盟主况遇
金行應錄
梁德克昌道旣泰於

君臣澤遂加於幽顯獲申奏薦遽降
徽章今力

象軸煥新
龍綸遠至表勲名於万代昭靈

於千秋固當永荷

皇私長垂幽贊保我藩宣

之地遐清災沍之源其泰斯民乂安吾土烜矣赫矣永
作輝華今當吳越雙封一王理事亦仗土地陰隲冥力
護持神旣助今日之光榮予亦報幽靈之煥耀但慮炎
宗文易星歲徂遷不記修崇莫源事始聊刊貞石以示
及來時大梁開平二年歲在武辰 月 啓 聖主

起同德功臣淮南鎮海鎮東等軍節度使檢校太師守
侍中兼中書令吳越王鏐記

此碑以城爲牆以戍爲武按舊唐書哀帝紀天祐二
年七月辛巳勅全忠請鑄河中晉絳諸縣印縣名內

有城字並落下如密鄭絳蒲例單名爲文九月己巳
勅武成王廟宜改爲武明王十月癸丑勅改成德軍

曰武順管內棗城縣曰棗平信都曰堯都欒城曰欒

氏阜城曰漢阜臨城曰房子避全忠祖父名也

全忠祖信

十一月甲申勅改潞州潞城縣曰潞子黎城曰黎

亭又勅改河南告成縣曰陽邑蔡州襄城縣曰苞茅

同州鞏城縣曰鞏元絳州翼城縣曰澮川邳州鄆城

縣曰萬安慈州文成縣曰屈邑澤州晉城縣曰高都

陽城縣曰濩澤安州應城縣曰應陽洪州豐城縣曰

吳高又按五代史滑州唐故曰義成軍以避梁王父

諱故曰武順又冊府元龜開平元年五月甲午改城
門郎爲門局郎曾子固跋韓公井記襄州南楚故城
有昭王井故城今謂之故牆卽鄢也由梁太祖父名
城避之然則城者誠之嫌名也冊府元龜言帝曾祖
諱茂琳開平元年六月癸卯司天監上言請改日辰

丙戌字爲武從之然則戌者茂之嫌名也

容齋續筆
謂戊類成

字故改
之名非

然戌本音茂不知何以爲武音而鄭樵謂十

辰十二日皆爲假借甲本戈乙本魚腸丙本魚尾丁

本蠶尾戊本武己本几又不知其說何所本也又如

後漢執金吾丞武榮碑云天降雄彥資才卓茂仰高

鑿堅允文允武則并茂字亦讀爲武其來久矣

唐白居易

詩有木名櫻桃得地早滋茂與露去
位顧妒樹賦爲韻 金石文字記

按碑前載表奏次列敕旨最後記文乃吳越武肅
王錢鏐所作城隍廟神舊祀唐右衛將軍摠管龐
玉蓋玉都督越州有善政土人立廟奉爲城隍至
是鏐又具表請降崇封五代會要云開平元年封
鎮東軍神祠爲崇福侯從吳越請者是也李陽冰
縉雲縣城隍廟碑云城隍神祀典無之吳越有此
風俗是城隍神雖未得列于祀典而建祠立廟之
事所在皆有此碑云等而罷市興嗟餘芳不泯衆

情追仰其立嚴祠卽于寵玉身後其事當在唐初
又記云爰自始建金湯肅陳祠宇奠茲中壘三百
年來雖享非馨未登列爵則前此鎮東軍城隍亦
祀典所無陽冰之言爲不誣矣玉京兆涇陽人堅
四世祖新唐書附堅傳稱玉事隋爲監門直閣李
密據洛口玉以關中銳兵屬王世充擊之百戰不
勦世充歸東都秦王東徇洛玉率萬騎降高祖以
清臣禮之玉魁梧有力明軍法久宿衛習知朝廷
制度帝顧諸將多不閑儀檢故授玉領軍武衛二
大將軍使衆觀以爲模矜出爲梁州總管巴山獠

金石錄卷一百一
一
叛玉臬其首餘黨四奔屬縣獠與反者州里親戚
爲賊游說言不可窮躡玉不聽下令曰穀熟吾盡
收以饋軍非盡賊吾不反聞者懼相謂曰軍不止
吾穀盡且餓死乃其入賊營與所親相結斬渠長
以降衆遂潰徙越州都督召爲監門大將軍太宗
以耆厚令主東宮兵雖老不怠小大之務無不親
及卒帝爲廢朝贈幽州都督工部尙書史載玉歷
官行事如此碑紀土人立祠之由但叙其在越州

時事

玉修北岳廟碑

碑上殘缺僅存高九尺六寸五分廣四尺六寸二十七行字數無考行書在曲陽縣

重修北岳廟碑

觀察巡官朝請郎檢校尚書禮部員外郎兼侍御史
錫緋魚袋劉端奉 命撰

定州文學王知新書

一缺 明覆載以稱功浩淼百川峻嶒五嶽顯陰陽而自

異至動靜以爲徵莫不隱靈祇彰聖化欲見而非見示

感而不威福善禍淫有今古無差之理聰明正直豈鴻

一缺 偏照 一缺 妙難窮之跡蘊幽壘罕測之基昭然憮然駑

一缺 大矣駢至道而牢籠萬彙啓範圍而埏埴羣倫敬之

遠之寒暑不僇于四序恭也禮也扎瘥口適於千門况
還當夏氏之興且特修王母之祠未盡善也迥致高
禱之祭胡可比焉豈若恒岳霞峯

安天壘廟鎮

撫堯分之所輯寧禹別之方口氣勻鋪壯口

缺

勢巍巍

飛雲龍而均風雨如生肅肅將魚水而睦君臣遠迓垂
憲公私布惠解濟黔黎之苦能蠲

皇闕之憂魍

魅亡魂奸回縮脰怖盤挈口黃鉞逃粉碎

缺

春秋祇若

與五侯懇薦於蘋蘩黍稷非馨唯於饗德備膾咸有但
以依人伏又河朔名區海西樂土雖寘魚鹽之利尤多

耕織之資密邇并燕絕六狄七戎之口交居趙魏招

缺

一境是諸華之則三軍爲百代之規整頓朝經獨立功
臣之貴平除國難孤標吼亂之勲况
大唐二十

餘帝乾坤三百年間社稷龍魚數見□□頻生聲振缺

萬方之禮樂無雙堯舜芳猷旣參差於竊比商周政柄
徒飈飈於揚名宇宙昇平煙塵帖泰汎宸恩於草

木鍾睿澤於惇發屬以失味□□輕漂舟楫缺

玉輅東西豈爲春蒐之故銀鈎南北唯論秋煞之因
桂萼九州依倫六國運偶二三之變時遭百六之艱伏

以歸於神授英通盡出於天生昴宿光芒契

賢王之瑞金精照灼潛符霸主之徵

一境是諸華之則三軍爲百代之規整頓朝縱獨立功
臣之貴平除國難孤標兀亂之勲况
大唐二十

餘帝乾坤三百年間社稷龍魚數見□□頻生聲振缺

萬方之禮樂無雙堯舜芳猷既叅差於竊比商周政柄
徒飈飈於揚名字宙昇平煙塵帖泰汎
宸恩於草

木鍾而睿澤於惇嫠屬以失味□□輕漂舟楫缺

玉輅東西豈爲春蒐之故銀鈎南北唯論秋鯨之因

荏苒九州依佻六國運偶二三之變時遭百六之艱伏

以缺歸於神授英通盡出於天生昂宿光苾契

斗賢王之瑞金精照灼潛符一霸主之徵

誠禮宏仁廉刑薄斂徧沐

怡顏之貺口遵難犯

之威

缺

彰形影於冰壺不意小瑕

畱心大節賽

桓文之令望超周邵之嘉音謀始要終理煩去惑皎潔
三秋之月泓澄萬頃之陂而又世襲

缺

五孝從

五帝而至如今加以武庫規繩儒門綱紀著述五兵之
策研精万卷之書稼穡偏知但見啓期之樂刑罰獨斷
旋除庶女之風惻隱肥家忠貞活國勲

缺

大展謨謀深

行理治每設補天之術恒修縮地之方由是訪沉淪求

疾瘼崇佛理重神明廢置伽藍捻就增修之命傾頽靡

宇俱當造化之功口嶽廟以天寶

缺

泊乎舜龔頻移秦

正屢改將新舊而分巧拙方彼此而日古今屬以山資

部傾丹楹朽腐只取於素來基址特興於此際規模遂

論押衙充都口修造使檢校工缺畚揭藉馨竭於心匠

臻至於忠勤百役子來三時農隙選攘莞於異木佺

柱百於幽巖杞梓鸞椽琉璃鴛瓦想楚宮之枉設誇漢

殿以虛詞斤斧奇能再偶缺長鬣千手似稟銜枚之命

馳驟万万疑聞聳轡之聲福壽要津神祇會府闔苑亘

澤林之茂銀屏衝朱檻而開未旣十旬其庸一旅勞而

怨告厥成功實爲陰缺澄凌空展梯口口莫達清波

泛浮梁棟以旋來黠黠坤元踊一攢之勝槩明明星

北聯百雉之清虛佛土裝嚴猶虧鳳髓蓬瀛景致只欠

頭豐省亡機疾缺北討南征蓋口口神之助人安俗

旱深憑陰德之功而又巨夏多艱中原盡蠹大

久離於四表太平永在於三州絕

口圖貽厥孫謀宏宣祖業社稷類金湯之固山

河齊日月之榮端負笈微人食魚末客少琢磨於焉學

深口口於斯文謬歷煙霞媿缺異披砂口口拾芥有濡

毫而稽顙無香桂以甘心進思盡忠煦育之缺

荒蕪冀口寵命叙虛襟而寧極修實錄以何窮但

以闕如誠非作者雖乖雅頌輒縱賡歌

國壽密口年豐一人肅敬八表欽崇諸神際會闔境

同入慈唯孝左右純忠威降巨禘力制羣戎寶裝廟

宇山是屏風其一精專建造巧竭靈微高攢缺繫日光暉

靈架虛噴師從兵圍前壇後苑左駮右駢尊卑森森去

就依依俄興木鐸待整璜其二匡時舟楫問代公侯洪

雷架海皓月當秋恢廓至道以缺巍巍清廟岌岌危樓

家財已俸制置增修行藏實錄今古難儔其三名超八凱

奎若三辰忠貞輔國禮樂親隣始終霸道左右賢臣一

方受煦万物逢春缺奉命文不驚人微書盛事永載貞

張

五代

鎮三軍推處存子郜爲副後處直爲後院中軍都知
兵馬使光化三年梁兵攻定州郜遣處直率兵拒之
兵敗入城遂郜亂兵推處直爲副後梁兵圍之遂絕
晉而事梁梁太祖表處直義武軍節度使累封太原
王太祖卽位封處直北平王其後梁兵攻王鎔鎔求
救于晉處直亦遣人至晉願絕梁以自效晉兵救鎔
處直以兵五千從破梁軍于柏鄉其後晉北破燕南
取魏博與梁戰河上十餘年處直未嘗不以兵從又
案梁太祖本紀光化三年進攻定州王郜奔于晉其
將王處直以定州降開平四年北平王王處直叛附

于晉是碑處直列銜已稱北平王歲次丙子應爲梁
末帝貞明二年無疑又以五代史考之處直已於開
平四年附晉通鑑稱唐之亡也惟河東鳳翔淮南稱
天祐則此碑所紀必天祐十三年又無疑矣銜中檢
按太師兼中書令使持節定州諸軍事食邑五千戶
等歐史不書似亦未見此碑也

竹嶋金
石目錄

贈太尉葛從周神道碑

碑高八尺七寸八分廣四尺二寸三
十八行行約七十字行書在偃師縣

梁故招義軍節度口口口口口口置等使開府儀同

三司檢校太師兼侍中守潞州大都督府長史口口口

度澤潞等州觀察處置等使開府儀同三司檢校太師

兼□□□潞州大都□□□□□□□□□□□□□□□□

□□□□□□□□□□□□□□□□□□□□□□□□□□

潞州鄆縣秦丘里人也禮也會祖阮祖遇賢父簡贈兵

部尚書惟公世方管晏緒接神仙負山□□□□□□□□

□□□□□□□□□□□□□□□□□□□□□□□□□□

一勵越石著鞭之志生知韜略時合孫吳韋弦淡爾

中文武居然而兼備素業唯觀於大略壯圖潛□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

以騰驥鵬鸞在天而□□□□

五代

刑國鵠文兆忠孝之名原始要終血字表公侯之分

爲天縱□□□□□□自太祖□□□□

□□□□□□□□□□□□□□之鋒於是

鳳攀之龍築名委質伐蔡之役戰酣

太祖皇帝□□□之變時□□□公奮□□□

□□□□□□□□□□□□□□□□谷之

輪不返而又青兗三寨鯨鯢萬人勦戮無遺輜重皆

棄鞶約面縛而授首□唐魄□□□□□赤□□□

□漢□□□□□□□□□□□□□□□□□

□□□□□齊山僵尸蔽野以功□檢□□部尙書時

溥復統全師碭山下寨康村接戰全軍□□□□□□
□□□返又轉檢校刑部尙□□□□□□□□□□
□□□□□□□□□□□□□□□逼上黨蕃戎喪膽□
□□□□改授懷州刺史屢立殊勲繼膺賞典又假吏
部尙□□累遷□□□州判□□□□□□□使□□□
□□□□□□□□□□□□□□□□□□□□□□
落落領二千騎□□□□□□□馬步二千殺戮殆盡生擒
落落奪馬三千又殺蕃□□汙□□□□□□自□□□
□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□
後尋授節旄假□□□□□□□□□□昭義兩

使副務蕃軍周揚五之衆結寨連營去□□□□□□□□

□□□□□□□□俄而□□□□□□□□□□□□□□

□□□□□□□□□□□□□□□□□□□□□□□□□□

□□□□乃授宣義軍行軍司馬俄代丁會入潞州俘

獲□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□下凡經入日納□□□□□□加檢校司徒又入井陘

攻討并部降李洪範已□□□□□□□□兼加徐州□□

西氏□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

通沉痾於邊上明年青齊之衆復陷兗州□□□戎捐

驅濟難□□□太□□□□□□□□□□□□□□□□

□□□□□□□□□□□□□□□□□□□□□□□□□□

□□□□□加太子太師食邑二千戶□□□□□之

令熟勞乃瞻疾恙爰降優禮□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

弗療天□□遺人之云亡恨狼□□之□尚存指馬□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

五代

金匱要略卷一百一
三
恭于漢師縣亭邑鄉林南里之別駕贈贈贈哈

君恩□□□□□□□□□□□□□□□□尉有子五

□□□□□□□□□□□□夫檢校□部尙書□□□□

軍同正不仕次日彥勳金紫光祿大夫檢校兵部尙

書前知淇州別駕不□次□□□□□□□□□□□□

尙書刑部員□□□□□□□□□□□□□□□□□□

□□□□□□尙書守左驍衛將軍次日彥浦殿前受旨

錄青光祿大夫檢校太子賓客鸞□□□□□□□□□□

□□□□□□□□克□□□□□□□□□□□□□□□

□□□□□□□□□□□□□□□□英飛龍使充西京都監銀

青光祿大夫檢校尚書左僕射守左武衛將軍□□□

□□□□□□□□□□□□□□□□□□□□□□□□□

□□孔循□□□□□□□□□□□□□□□□□□□□□

上將軍連榮外列□□貫戚迭照閨門玉鏡臺前匪獨推

於□□□□□□□□□□□□□□□□□□□□□□□

□□□□□□□□□□兼□□□□□□□□□□□□□□□

以竭情臨襄事而銜恤始終部分董灼一時斯又見

□昭荅之重沓也□□□□□□□□□□□□□□□□□

□□□□□□□□□□□□□□□□□□□□□□□□□

伊昔皇唐運終百六兵革□□□□□□□□□□□□□

五代

悠悠丹旆軋軋轎車万人之敵六尺之軀譬如石火土
似隙駒□□□□誰其問諸其□□□□□□秋露

如珠灑君□□平生氣豪命世功夫金瘡猶在腔肉

枯其丘山之隅□□之裔許國壯心磨天逸勢威聲

□昏衢迢遞長辭魏闕永謝明世其

貞明二年歲次丙子十一月壬子朔十二日丁卯

鐫字沈口

從周歐史有傳其檢校太師兼侍中則史未之載昭
義者潞州軍號也唐季潞爲河東所有不在朱梁管
內從周以疾致仕遙授節度令食其俸于家非真節

度也宋世節鎮在家支俸之例實昉于此周德威

字陽五此碑作揚五文云歸葬于偃師縣亳邑鄉

叔璣中州金石表所載偃師碑甚夥而獨遺此吾志

武君虛谷始搨以遺予文雖殘損猶足為攷史之

于思容齊乘謂在平縣有五代葛從周墓土人名曰

葛塊讀是碑始知土俗相傳之誤

潛研堂金石文跋尾

碑字可辨者皆與薛居正五代史不甚異疑薛據此

碑而為傳按之歐陽修史所載甚與碑異此碑奉勅

書與斷無冒列功狀是歐陽史為失實也歐陽史

載歷官晉秩亦多疏略賴有此証之碑云偃師縣

已鄉今之淮廟邨卽古西亳湯都也

中州金石記

按葛太尉殘碑余乙巳二月始過其墓碑石舊爲雨風激射間有存者惟下二尺餘埋於土中尙完好急爲剪剔出之碑內題云故昭義軍節度澤潞等州觀察處置等使開府儀同三司檢校太師下缺數字其所載歷官晉秩皆與傳略同五代史從周濮州鄆城人今碑云鄆縣當時載筆者爲梁太祖父嫌名避之據禮不諱嫌名而唐之諸帝與其士大夫競相規易至其末季尙欲持是區區虛崇無益之數冀以籠制冥悍跋扈如溫之至無賴者又豈遠爲之動與史言

從周從太祖攻蔡州太祖墜馬從周扶太祖復騎與
敵半鬪傷面身被數瘡故此碑伐蔡之役戰酣云云
文辭證以銘詞所謂戰酣馬逸上失銜勒下車策之
傷面克敵碑既悉與傳符而從周功績初已可見如

此又本書晉王怒自將擊從周從周雖大敗而梁兵

擒其子落落送於魏斬之

羅紹威傳梁兵擒晉王子落落送於魏宏信斬之與

此此碑竟云馬步二千殺戮殆盡生擒落落奪馬三

千則從周竟未大敗矣落落亦屬自擒而歐陽乃歸

之梁兵反覆推之知史誣也碑奉勅書撰從周子孫

斷無敢於冒列功狀虛誣溢美以耀從世者歐陽或

得之舊聞而從周戰績幾於垂沒不張非是碑後世
其孰從而知之碑後文又有入井陘攻討并部降李
淇範傳亦失載從周爲宣義行軍司馬傳書於旣敗
燕兵之後依碑又在代丁會之前叅錯乖迕並宜依
碑爲據至所書末帝卽位拜昭義軍節度使封陳畱
郡王食其俸於家卒贈太尉從周當致仕日已居偃
師未聞再召用及後卒也亦當居於偃師而碑云以
十月十三日歸葬於偃師縣亭邑鄉然則從周又非
終沒於家者錄之其亦俟考也從周曾祖父阮祖遇
賢父簡贈兵部尙書從周諸子碑尙可見者次日彥

勲次曰彥浦史並略不書獨余爲暴出之使幸有聞而碑亦於從周祖父列名獨不爲少蝕疑亦有待於後人與

偃師金石遺文記

碑紀從周戰功有云落落領二千騎

馬步二千殺戮殆盡生擒落落奪馬三千歐史本傳書晉王怒自

將擊從周從周雖大敗而梁兵擒其子落落送于魏斬之于向跋此深以見歐史之誤今案舊唐書羅宏

信傳太原怒舉兵攻魏營于觀音門外沐將葛從周

援之屯于洹水李克用之子落落時爲鐵林軍使爲

從周所擒唐書宏信傳從周爲闍寶每克用兵至輒

出精卒薄戰必捷克用踰洹西北挑戰從周大破之
禽其子落落乃引去舊五代史從周傳乾寧三年五
月并帥以大軍侵魏遣其子落落帥二千騎屯洹水
從周以馬步二千人擊之殺戮殆盡擒落落于曹并
帥號泣而去紹威傳太祖遣葛從周援之戰于洹水
擒克用男落落以獻太祖令送于宏信斬之晉軍乃
還推斯數証舉足以見永叔曲說非信史矣

考空金
石錄

按從周薛歐二史皆有傳惟薛史與碑多合其見
諸家跋中碑有二輩約面縛而授首口唐魄口口
口口據舊史傳兗州齊克讓軍於任城從周敗之

擒其將呂全真淄人不受制復與之戰獲其驍將
鞏約會青州以步騎萬餘人列三寨於金嶺以
要害從周與朱珍大殲其衆擄其將楊昭範五人
而還至大梁不解甲徑至板橋擊蔡賊破盧塘寨
塘自溺而死碑下句似謂盧塘魄喪自溺與上碑
約面縛爲對塘字作唐與史微異傳又稱李罕之
引并人圍張全于河陽從周率兵赴援大破并軍
殺蕃漢二萬人解河陽之圍以功表授檢校工部
尚書碑云口口齊山僵尸蔽野以功口檢口口部
尚書正敘此事蓋以功授檢校工部尚書也碑文

爲薛廷珪奉敕撰攷舊唐書薛逢傳子廷珪中和
中進士第光化中官刑部吏部二侍郎權知禮部
貢舉拜尚書左丞入梁至禮部尚書舊五代史廷
珪本傳又云唐莊宗平定河南以廷珪年老除太
子少師致仕同光三年九月卒今碑題禮部尚書
權知貢舉口上柱國正與傳合新唐書稱廷珪光
化中累尚書左丞朱全忠兼四鎮廷珪以官告使
見全忠卒不肯加禮其入梁以後歷官皆畧不載
似廷珪以唐臣終者賴有此碑足見舊書有據古
人碑志諸文於卒葬之處每書禮也以見其舉喪

行事無悖于禮是碑敘其先世爲濼州人亦加禮也二字殊無意義廷珪爲當時能文之士不應乖謬乃爾疑書丹者筆誤或刻上鈎摹舛錯所致也

刺史折嗣祚碑

碑高九尺廣三尺七寸前面已缺僅存二十八行正書字數刻勅無可考在府谷縣

上

人爲之受命瑞影搖彩嶽瀆所以降神皆周文王

有大明嗣太王季

祖諱華雲中人也

伯之苗裔

大魏

之後宇文之別緒以金城

武德中

詔

府谷鎮遏使不改善政永

子

之榮

能不

施勞於民不伐善於己慷慨

以魏孝文皇帝廿七代

之孫也世襲家聲勲庸

不昔

先王之顧命

三唐

之芳棻爰因忠烈爲唐靈隴西氏

所謂

作席土

琳瑯人間柱石鹽梅麩蘖

不謂鹽蘖致命

勳其死

見

義有勇無懼於

獎

式義方

不可奪也

可稱也

不以私誣義罔以虛眩真守金石

爲府谷鎮

持式

醜壇境之內民無雜居杜烽戍之虞

向書兼御史大

夫考績

庶政增以厥貢良驥可千乘與部族歸權

之地黔黎

有豐年之詠

昔先王求枚嗣祚也

以

乾符歷數

元兇

不敢以懸河之

辨無不對當

進賢任

重爲黎先行

欲移勲列爵未足稱吾懷何

如 其德不同馳驛

於雲口之然將明命於 王觀

之奠然曰虜延深遂口口危

雖鑿中利刃

當今晉

王感

公有大忠才

王室有

大

一 駕爲

溪上

氏

口祖媵之禮也而乃衣錦桑榆顯榮也

先世

聖唐

之瑞派子子孫孫引無替之道也俾乎黻冕金

行勲

業惟新敷五教以在寬闡六條而弥政稼穡有通歧之

詠庶民無聚斂之怨

公下車

之日觀人多

弊褰帷

撫問愛如己育遂乃布駟鷄之善牧馬之政聆風嚮化

繼至

累降名綬加口陰功

因効口靈山岳其年冬末

有二月享齡

五

郡焉

意

永有

爲州

之譽 趙 宣子郭 役 有子五人長曰從 重使次曰

軍使次曰從 遠動合楷模 府府州副使 次曰從依

攝 麟州司馬檢校尙書祭酒兼御史中丞 次曰從 祖

望之左右授機應符契運叶瑞來儀清風朝月孤高不
羣口無擇言哲中尤哲賢中又賢巖谷歸神岷峴熾熾
玉石俱焚 矚俯眺 封樹諸子昇

文云有子五人三曰從遠從遠卽從阮以後唐莊宗
鎮太原時領府州刺史文內又有當今晉王感公有
大忠云云則是碑梁時所建也 文云大魏之苗裔
宇文之別緒又云爰因忠烈爲唐裔隴西氏子克行

碑云折出河西折屈五代史從阮父嗣倫與此異

金石

記

按碑殘缺無年月諱字可見但據文中有昔先王

求枚嗣祚之語知折君名嗣祚耳凡碑敘事皆

爲公此語直言嗣祚蓋承先王爲言明尊君也嗣

祚有子五人次曰從遠五代史有折從阮云從

阮字可久本名從遠避漢高祖舊名故改字卽

此人也傳稱父嗣倫爲麟州刺史今作嗣與史

異然云享齡五十終祿於麟郡是嗣祚終麟州刺

史與傳合卽嗣倫無疑矣舊史從阮傳唐宗初

有河朔之地以代兆諸郡屢爲邊患起從阮爲河

東牙將領府州副使同光中始授府州刺史碑稱

從阮動合楷模

缺

府府州副使又云當今晉王感

公有大忠於王室是碑之立當在同光改元以前

故尙稱晉王耳碑叙嗣祚世系行事頗詳而剝蝕

過甚無從據以補史惜哉

唐

重修法門寺塔廟記

碑高七尺一寸八分廣三尺八寸三十行行五十二字至五十四字不等正書在扶風縣

大唐秦王重修

法門寺塔廟記

朝請大夫守尙書禮部郎中柱國賜紫金魚袋薛昌

序撰

承旨王仁恭書

夫大聖示其不滅證以無生燃慧炬以燭幽泛慈航而拯溺在三千界分八万門誘捨愛河勸離苦海香山月殿長侍睟容鷲嶺龍宮時開半偈与消塵劫令出昏衢按後魏誌阿育王役使鬼神於閻浮提造八万四千塔華夏之中有五秦國岐山得其一焉又按神州三寶感通錄華夏有塔一十九所岐陽聖

跡復載其中朝觀光相夕觀聖燈究異草之西來驗

靈蹤之所止供盈香積鑪馥旃檀面太白而千
疊雲屏枕清渭而一條翠帶而又
文皇遷寢

殿而修花塔冀拔羣迷天后開明堂而俟

真身庶康万彙編於史冊傳以古今粵自有周洎乎大
漢至于晉魏口及齊梁隋文則誓志焚修
我唐

則

累朝迴向莫不歸依

聖教恭敬

真宗募善行於阿育王結慈緣於金龍子嘉
徵迭變靈應無窮或馴鸞翔不離於紺宇或鄉雲搖
曳靡捨於金繩分
舍利於五十三州增福田於

千万億祀間生芝草頻現雨花真形試火而火不焚因

其吳主

寶塔居水而水不近彰自薊門禮懺

者沈痼自痊瞻虔者宿殃皆滅

金僊入夢白馬

戒途傳經既口於西天演法俄流於中土今則

王天潢稟異

帝裏承榮立

鴻猷於

多難之秋彰

盛烈於阡危之際徧數歷代曾

無兩人增美

儲闈傳芳

玉諫將

中興於

十九葉纂

大業於三百年

竭力

邦家推誠

君父身先万振屢掃

攬搶血戰中原兩收宮闕故得諸侯景仰八表風隨當

口詒於山河卽

龍騰於區宇

朝萬國而無慙伯禹叶五星而不讓高皇惡殺好生泣
辜罪已然而早欽大口風尙口門捨口口口口口口
口口禪林之嚴飭天復元年施相輪塔心椽柱方一條
大復十二年以舊寺主寶真大師賜紫沙門筠

口口口口口口口口口口口口口口口口爰命大師遶塔
修覆塔舍二十八間至十三年迄契至誠果諧

響感迅雷驟起大雨口口口口口口口口口口口口
口口口口口口口吹沙涌出寶塔化成金像移山拔海
不足稱奇 聖力神功咸驚不測天復十四年

口口口口口口口口口口口口口口口口十八間及兩天二十口天

三兩鋪及塑四十二尊賢聖菩薩及畫西天二十口祖
心傳法記及諸功德皆彩繪畢天復十七年口口口

口口并口造八面金塔內外塑畫功德八龍王天

口一九年至二十年蓋造護藍牆舍四百餘間及贊塔

定兩廊講口口口及口口口口塔天復十九年二十年

口口八日遣功德使特進守左衛上將軍上柱國隴西

縣開國伯食邑七百戶李繼潛僧錄明口大師賜紫沙

門彥文首座普勝大師賜紫沙門窠辭宣奉絲言敷傳

聖懇兩件施梵夾金剛經一萬卷蓋自口口口王晝夜

躬親繕膏不墜祇園之教普傳貝葉之文

塔前儀施十方僧衆受持兼香油蠟燭相繼路歧至天
復二十年庚辰至壬午歲修塔上層綠琉璃甌瓦窮華
極麗盡妙罄能斧斤不輟於斯須繩墨無虧於分寸法
雪廣布 佛日高懸不殊兜率天中靡異菩提樹

下悟其實相了彼真空金口巍峩福護於鳳鳴之境神
光煜燦照臨於鶉首之郊必使玉輿長新 瑤

圖永煥紹 高祖 太宗之丕構邁三皇五帝之

口猷 王子天孫光承 運祚 大君

聖后因墜花香口修寺主安遠大師賜紫沙門紹
慈戒行圓明精持堅慤稟先師之遺訓成 大國之

良因放鶴掌中降龍口下護珠內縈世垢莫侵虔奉

寔嚴遐裨勝果希傳永永爰刻磷磷昌序藝愧彩
毫詞非黃絹謬承 睿旨俾抒斯文殊匪研精難

巡荒鄙天祐十九年歲次壬午二月壬子朔二十六日
丁丑記

玉冊官孫福鐫字

碑稱天祐十九年是時唐亡已久李茂貞尙稱唐年
號又二年而莊宗取梁茂貞稱臣又一年而茂貞死
戰爭之時得作此佛事者以梁晉搆兵茂貞偷安故
也按傳茂貞先稱岐王莊宗改封秦王據碑則已先

稱秦王矣碑王仁恭書亦精勁有法

石里鐫華

通鑑後唐莊宗同光二年封岐王李茂貞爲秦王今此碑天祐十九年建而其文稱已秦王則在同光之前二年矣蓋必茂貞所自稱又史言茂貞奉天祐平號此碑之末亦書天祐十九年而篇中歷述前事則竝以天復紀年至天復二十年止亦與史不合

金石文字

文云秦王者李茂貞也金石文字記据通鑑後唐同光二年封岐王李茂貞爲秦王此文在同光之前蓋爲必茂貞所自稱以予攷之殊不然舊唐書昭帝本

紀景福二年十一月制以鳳翔節度使李茂貞守中書令進封秦王蓋茂貞之稱秦王自此始茂貞自岐王封秦王故云進封其後天復三年除茂貞檢校大帥守中書令史仍稱秦王不云岐王也通鑑同光二年進岐王爵爲秦王考異云茂貞改封秦王薛史無的確年月實錄同光元年已稱秦王茂貞遣使賀收復自後皆稱秦王至二年辛巳制秦王李茂貞可封秦王豈有秦王封秦王之理必是至是時始自岐王封秦王也据此則莊宗實錄本書秦王溫公以意改之耳茂貞唐之舊藩與河東均附屬籍稱兄弟行至

是始稱臣於莊宗故因其舊封授之錫以冊命實錄

所載本不誤通鑑改之失其寔矣五代史茂貞傳書

封岐王于昭宗幸華之後通鑑則書于天復元年不

知茂貞封岐王乃在景福元年以前舊唐書景福三年以故王李茂

貞爲興元尹山南西道節度等使傳又稱梁祖卽位茂貞稱岐王

府置官屬又稱茂貞聞莊宗入洛乃上表稱臣遣其

子入朝改封秦王詔書不名不知茂貞在昭宗之世

稱秦王已久矣岐者一州之名秦者大國之號茂貞

已受命建國曰秦必不舍秦而仍稱岐此夫人而能

知者也通鑑稱唐之亡也惟河東鳳翔淮南稱天

西川稱天復年號此碑叙述前事俱用天復紀年二十
二十年止碑末乃書天祐十九年與史不合五季之
字瓜分各帝其國紀元之令朝更暮改史家得子傷
聞不若碑碣之可信當全忠劫昭宗遷洛改元三
河東西川謂天祐非唐號不可稱仍稱天復故今
蜀之間與梁爲深讐必仍以天復紀年及唐旣亡河
東改稱天祐西川仍稱天復茂貞與西川爲鄰亦必
仍稱天復也久之晉日盛強滅梁之形已久茂貞乃
改稱天祐以自同于晉此事之想當然者惜乎史文
缺漏賴有此碑立于當日可證紀元之異同此金石

文字之有功于史學也寺在鳳翔之岐山縣唐憲宗
元和十三年功德使上言鳳翔法門寺有護國真身
塔塔內有釋迦牟尼佛指骨一節上遣中使帥僧衆
迎之者卽此塔也

潛研堂金石文跋尾

天祐十九年卽梁主瑱之龍德二年也秦王卽李茂
貞唐亡梁稱帝改元開平日茂貞與李克用並襲天
祐蜀王建稱天復七年以明年改元武成吳楊渥稱
天祐十五年以明年改元武義並是也茂貞踞有鳳
翔等二十州于梁主瑱貞明乙亥丙子之間鳳翔爲
蜀所克史不言復爲茂貞所有據碑可見其脫誤碑

又稱天復十二年十九年二十年天復之十二年即
天祐九年其十九二十年則天祐十六十七兩年也
是茂貞稱天復天祐號年之限克用專稱天祐茂貞
兼用天復天祐此其所異者也茂貞本姓宋僖宗賜
姓爲李氏或云茂貞封秦王在同光初天祐十九年
不得有是稱案天祐十九年卽梁亡之年明年則爲
同光元年也豈茂貞自稱爲秦王莊宗因是封之耶
蓋不獨武都楊盛不改義熙年號比志于陶靖節矣

關中金

石記

茂貞本姓宋僖宗賜姓李氏記所稱天潢稟異帝裔

承榮蓋指其事法門寺見韓愈傳云鳳翔法門寺有
護國真身塔此所重修塔意卽其遺跡與記稱天祐
十九年歲次壬午前又以天復紀年至二十年參差
無統唐之正朔亡矣歷代紀元巢攷于梁開平元年
書岐王天祐四年証之此碑仍稱自天復元年及十
二十三十四十九廿年皆以天復紀號是當梁之篡
唐未嘗以天祐紀推其誤蓋沿于通鑑謂唐之亡惟
河東鳳翔淮南稱天祐也

授堂金
石跋

重修定晉禪院碑

碑高九尺八寸廣四尺九寸五分三
十六行行七十二字正書在武安縣

磁州武安縣定晉山重修古定晉禪院千佛邑碑

邢州開元

下缺

原夫佛理志大意微有德而風靡三皇無位而匡乎八
表化跡隱顯利用投機□□□□□□□□□□□□□□□□

□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□

的不莫有相不憚於理執空恐滯於魔昔在千人志居

中□□苟□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□

罪福□□猛列出家志氣異於常徒頓捨親孤然山峪

之寺焉又改爲定晉禪院禪室山巖唯高雅遂龍池虎
穴左之右之上至天宮下窮於地獄乃爲師之□□道
清以考此凡志求□□蹤探度古基持興蓋造從大唐
同光元年歲次癸未七月起功至天成元年歲次丙戌
九月院成法堂僧堂厨庫□屋並在巖巒之下禪棚石
室佛經□像安於峭壁之中木秀山巍顛□□□禽
□獸巖畔成羣洞口祥風泉源細水花芳艷翠香逐雲
濃散雨龍寒飛霜石冷幽閑異境大聖所居古跡金田
遂重修昔昔日禪定石室一所□塞無蹤忽然自開收
得道具數件乃是柵禪□僧所用之物也有單梯一棧

巖高百一倚於巖下莫知年載有坐禪棚一所出於峻
壁之中下去地一十五丈於同光三年九月十日特然
以換材木皆新棚上有阿彌陀佛一尊聖僧一坐倚子
土篋蓋一頂道清觀此聖事乃全枯意馬苦楚心猿又
整勤忠焚香發願別化千人之邑同修一劫之緣蓋造
高樓安排佛像茲願已集碑紀微功所住山中素無青
石求之莫有於天成二年歲次丁亥七月二日有二龍
闖於寺前峪內雷訇電曜水溢溝穿現出青石一條長
一丈七尺琢之如珉磨之瑩然龜頭鼉肩皆獲足矣建
茲福事際會

明朝立口之功上歸

皇化君聖臣賢之代民康鼓腹之年牧藪譟而樂
乎哉風雨時而禮何有三郡滎陽潛龍之地九州一

統之時前漢帝孟堯風皇宗舜海金枝黃鉞掌
鉅鑿之山河伏虎帝子親王象邢臺之旌節口
曰樂業豐稔田疇民義於前漢君君賢於德罰
惡勸善刑法無差舉直退私人滋壽富皇天后
土翼肋山河湮毀困窮皆霑霽澤浩浩九圍之
遠民無德而稱滎陽禹無間然矣

滎陽西面古跡重興雲嶺巖前金園再建巍峩突
硯插霄漢以廷廷聳峻峻嶒掩蓮宮之鬱鬱桐禪解闕

之虎窠穴仍多賢良造化之基器用不少凡施功力
叶神驗永彼元規如蒙聖明無私善事衆慕如歸利物
深緣易爲成就千門万户自捨家財伐木窮山人心不
憚有邑首都維那三人次維那十人悟身若幻生務生
口其消良因誦相勉導逐處鄉邑次立維那舉其方法
之門社會千人之數各有名氏鏤之碑餘基我家那垂
諸善則鄉口稟命動靜咸宜化名信心從風集事繼千
佛之次行踵百福之遐功克荷僧徒捐情聖業筠篁志
氣山岳心田重義輕金守公奉公法歲寒如一運
始終建碑勒名以彰成事邑主沙門口口口心化利

主報... 息恩錄彼聖蹤請叙文也沙門

仁僧門無藝僞教荒疎自度鈐刀難鑄寶玉豈將瓦

連布瓊瑤頻垂雅命堅令撰修兌之既難實錄前志

之... 口口口口口口所冀殊禎絕瑞萬代長存

巨福良因千年不泯更顯前事章句頌焉... 日月遞

乾覆坤維... 四時列序... 萬象咸宜... 去彼取此

昭德塞違... 天地之心... 聖人則口口口口口口

東魏仁君... 一匡天下... 八表咸賓... 稠禪是敬... 心悟

法情忻... 金田初造... 寶輦勤勤... 化緣有盡... 聖道

多門... 或隱或顯... 有去有存... 暫真設像... 貪福濟

□ □ □ □ □ 福利緩□ 一僧堅操 二利俱陳

深山守道 古寺求真 心猿息慮 苦節於身

巖巒作伴 虎豹爲隣 三業障重 六賊爲親 勸

修十善 遠劫良 □ □ □ □ □ 出沉輪 巨善

總會 日用日新 五

大唐天成四年歲次己丑九月九日建

竭忠建策興復功臣安國軍節度使邢洺磁等州觀

察處置使金紫光祿大夫檢校司徒使持節邢州諸

軍事守邢州刺史兼御史大夫上柱

下缺

安國軍節度行軍司馬金紫光祿大夫檢校尚書左

傑射兼御史大夫上柱國李從信

安國軍節度副使銀青光祿大夫檢校工部尚書

下缺

金紫光祿大夫檢校工部尚書守磁州刺史兼御

口上柱國安

安國軍節度押衙充三州諸軍馬步使銀

下缺

口紫光祿大夫檢校司徒前守河東左右廂步軍指

揮使二州都招討使澶州防禦使楊劉鎮馬步軍都

指揮使瓦橋關指揮使瀛

下缺

安國軍節度判官朝議郎檢校尚書金部員外郎賜

紫金魚袋李瓊

邢洺磁等州觀察判官朝議郎檢校下江州尚書

節度掌書記將仕郎諡大理評事兼察御史張璠

節度押衙知客銀青光祿大夫檢校工部尚書兼御

史大夫柱國杜□上林

□州軍事判官將仕郎諡大理評事徐處凝

登仕郎守磁州錄事參軍劉龜丘

朝散大夫□磁州武定縣令諡下

□□□□□當武安鎮務馬賓

節度押衙前守武安鎮使銀青光祿大夫檢校工部

尚書兼御史下

缺

□□□□□□左忠順指揮使銀青光祿大夫檢校

工部尚書兼御史大夫柱國馮□□□大夫檢校

□義軍節度押下缺近安陸縣丞溫寶

□□□□□□□□轉受捉生指揮使銀青光祿大

夫檢校太子賓客殿中侍御柱國下缺

□□□□□□□□使銀青光祿大夫檢校左散騎

常侍兼殿中侍御上柱國下缺

□□□□□□□□兵馬使銀青光祿大夫檢校太子

賓客監察柱國張□□□□□□□□

□□□□□□□□銀青光祿大夫檢校工部尚書

兼御史大夫

下

兼御史大夫

重修古定晉禪院于佛邑碑天成四年九月立釋道

清撰俗名透影碑下半毀損有云東魏黃初三年高

歡帝所造也以曹魏年號爲元魏未審何以謬誤至

此又云雜集異記云云按太平御覽引談藪曰北齊

高祖多殺戮有稠禪師者以業行著稱云云豈卽其

人與中山經云虎首之山多苴稠楮郭璞注稠未詳

也說文稠木也而見于此終不知何木

中州金石記

碑下截已斷缺中言定晉禪院以同光元年七月起

功至天成元年九月落成又言收得道具數件乃是

金匱要略卷一百一
四二
稠禪師口僧所用之物有單梯一條坐禪棚一所椅子一隻蓋一頂案硯餘業攷引丁晉公談錄寶儀雕起花椅子二以備右丞及太夫人同坐王銍默記李後主入宋後徐鉉見李取椅子相待以爲始自宋初不知後唐時已有此坐具矣

授堂金石跋

北按碑前半稍有剝落不可盡讀有云東魏黃初三年高歡帝所造也黃初乃魏文帝年號東魏亦無以黃初紀元者釋藏之書所紀事蹟往往得諸傳重聞故舛謬頗衆碑又引雜集異記云云檢唐書藝

兼文志雜家類有集異記三卷薛用弱撰用弱字中

勝長慶中光州刺史碑所引疑卽此書碑後半
記修造始末繼以銘詞年月後題名者二十八首
行稱竭忠建策興復功臣安國軍節度使邢洛磁
等州觀察處置使金紫光祿大夫檢校司徒使持
節邢州諸軍事守邢州刺史兼御史大夫上柱

下闕

其名已缺以史攷之乃符存審也舊史存審傳天

祐九年以功遙領邢洛磁團練使十三年二月劉

鄒自莘悉衆來襲我魏州存審以大軍踵其後戰

於故元城大敗汴人從收澶衛磁洛等州秋邢州

閻寶降授存審安國軍節度使邢洛磁等州觀察

使其歷官皆與碑合是年十月授存審檢校太僕
橫海軍節度使兼領魏博馬步軍都指揮使明年
就加平章事以後歷官內外蕃漢馬步摠管又以
功加檢校太僕兼侍中又以本官充幽州盧龍節
度使同光初加開府儀同三司檢校太師中書令
碑皆不及則知所載銜名皆在天祐十三年以前
碑立于天成四年九月而云同光元年起功至天
成元年院成同光元年距天祐十三年尙隔七年
蓋其時創議修建地方達官已與聞其事至院成
立碑方追題其姓氏不書現官者從其朔耳又存

審傳稱同光初賜號忠烈扶天啓運功臣碑題湯
忠建策興復功臣則亦天祐中先賜之號足補爾
史所略存審之後題名可見者李從信李瑋徐處
凝劉宏邱馬竇五人皆無史傳可攷餘十四人或
僅存其姓或并姓名俱蝕爲可惜也

賜長興萬壽禪院

石高四尺廣三尺十行行十字
十一字不等正書在鳳翔府

中書門下 陳鳳翔觀察使

興元節度使張虔釗奏薦青峯禪院乞賜院額

陳奉

勅宜賜長興萬壽禪院爲額

牒至准

勅故牒

長興三年九月三日 牒

門下侍郎平章事李

右僕射兼門下侍郎平章事

按是牒頒于長興三年九月刻宋鳳翔府停廢寺

院牒之下截張虔釗遼州人舊五代史本傳云長

興中爲山南西道節度使兼西面馬部軍都部署

碑稱興元節度使則虔釗奏薦青峯禪院乞賜院

額卽在長興初矣末題門下侍郎平章事李者李
愚也愚以是年八月丙寅由宰臣爲門下侍郎同
平章事監修國史見明宗本紀

張希崇華嶽題名

題名四行字數不等

正書左行在華嶽廟

張希崇春歸闕時清

秦二年歲次乙未十月二十

三日固謁清廟乃畱是題

按是題在崔伯恭題名之右首行張希崇以下殘
闕舊史希崇傳云希崇少通左氏春秋復癖於吟
咏天祐中依劉守光爲裨將後隸周德威麾下守

平州爲案巴堅所略詢希崇知爲儒人因授元帥
府判官後遷盧龍軍行軍司馬繼改蕃漢都提舉
使天成初爲平州節度使尋以管內生日二萬餘
南歸唐明宗嘉之授汝州防禦使歷二年遷靈州
兩使畱後告諭邊土廣務屯田歲餘軍食大濟璽
書褒之因正授旄節清泰中希崇歿其雜俗頻表
請觀詔許之云云此刻稱歸闕時清泰二年十月
固謁清廟乃畱是題必由靈州歸闕時所題也

贈張繼祚勅

碑高五尺八寸廣三尺六寸
九行行九字行書在偃師縣

勅張繼祚朕以故齊王早推德望備著勲庸久綏河洛
之人再造澗漣之地遍兼近鎮咸播休聲存旣誓於山
河設宜刊於金石今差翰林待詔張璠宣賜神道碑銘
便令書石故茲示諭想宜知悉春暄汝口口否

按碑石舊有拓本近埋淤土中始命役夫出之已斷
爲二矣全義守河南三十年史稱其披荆棘勸耕殖
躬載酒食勞民畎畝之間築南北二城以居之數年
人物完盛民甚賴之今勅所云久綏河洛再造澗漣
信非誣也勅以賜全義子繼祚益宣示神道碑銘而
通志遂以碑額卽爲繼祚故具錄以正訛

偃師金石
遺文記

詩書禮易春秋前代諸書其義自五

道文

詩書禮易春秋前代諸書其義自五

詩書禮易春秋前代諸書其義自五

詩書禮易春秋前代諸書其義自五

詩書禮易春秋前代諸書其義自五

詩書禮易春秋前代諸書其義自五

詩書禮易春秋前代諸書其義自五

詩書禮易春秋前代諸書其義自五

詩書禮易春秋前代諸書其義自五

金石萃編卷一百十九終早料新望南卷歸入歸民

金石萃編卷一百一十

賜進士出身 誥授光祿大夫刑部右侍郎加七級王昶讓

五代

晉

贈太傅羅周敬墓誌銘

碑高三尺五分廣二尺九寸四分四十五行行四十四字正書在洛陽縣

晉故竭誠匡定保乂功臣特進檢校太保右金吾衛上將軍兼御史大夫上柱國長沙郡開國公食邑一千八百戶食實封一百戶贈太傅羅公墓誌銘

并序

朝請大夫行起居郎充史館修撰柱國殷鵬撰并書

夫天地肅物松柏猶或後凋郊藪呈芳芝蘭焉能長秀

故老氏有必摧之歎仲尼與不實之悲衆木伐而梁棟
傾巖霜重而祥瑞去物之有矣可得喻焉
公諱

周敬字尚素其先顓頊之胤也封於羅以國爲氏地連
長沙因家焉公即長沙之後也
公曾祖讓皇檢

按司空累贈太師封南陽王娶宋氏封越國太夫人

祖諱籟信皇天雄軍節度使檢校太師兼中書令長沙

王累贈守太師累封趙王謚曰莊肅娶趙國夫人呂氏

先薨又娶吳國夫人王氏爲時之瑞命世而生倜儻不

群英雄自許有唐之末大盜助興鎮守一方廓清千里

上則忠於

社稷下則施及子孫

烈考諱紹威

皇天雄軍節度使守太師兼中書令鄴王贈守尚書令
謚曰貞莊 天地鍾秀山河孕靈下筆則泉湧其文橫
戈則雷震其武惠惟及物明可照好曠古已來罕有其
比 貞莊有子四人長延規天雄軍節度副大使檢校
太傅駙馬都尉少薨贈侍中次周翰義成軍節度使檢
校太傅駙馬都尉亦少薨贈侍中次周巒前保大軍行
軍司馬檢校兵部郎中兼御史大夫柱國賜紫金魚袋
早歷通班繼爲上木綽有器業可奉箕裘公卽貞莊公
第三子也性稟淳和生知禮樂早失天廕幼奉母儀
秦國夫人劉氏卽故兗州節度使太師公之弟三女也

肅雍無比柔順有聞示以愛慈加之訓導遂令諸子悉
著菱名時 梁乾化初 公之次兄方鎮南燕 公時
年九歲 秦國夫人歸寧於 兗州太師之宅遂命侍
行 闕下梁口主宣召入內對 明庭進退有度
上甚器重之遂授檢校尚書禮部員外郎仍賜紫金
魚袋自此恒在 宮禁出入扈從 乘輿與 皇親無
間侍立 冕旒多備顧問無非辯對深恰 宸衷上
尤奇之其年秋七月歸南燕甲戌秋七月 公之次兄
薨於滑州之公府上聞訃奏乃謂近臣曰羅氏大勲之
後宜賞延遂命公權知滑州軍州事檢校禮部尚書冬

十月上表乞入覲十一月至京師朝謝畢翌日有
制授宣義軍節度使檢校尚書右僕射年方十歲位冠
五侯甘羅佩印之初未爲少達王儉登壇之日已是老
成十二月至自京師乙亥春三月鄴中構亂河上屯兵
况處要衝屬茲征伐事無巨細公必躬親道路有頌
聲軍民無撓政丙子春二月移鎮許田加檢校尚書左
僕射是歲公年始十二作事可法好謀而成政絕煩
苛人臻富壽忽下徵黃之詔俄諧會尸之期戊寅秋七
月朝于京師有詔尚主公拜表數四辭不獲免遂授
檢校司空守殿中監駙馬都尉壬午冬十月出降普安

公主傅粉何郎晨趨月殿吹蕭秦女夜渡星橋一時之
盛事難儔千古之清風盡在癸未春三月除光祿卿冬
十月雜唐莊宗收復梁園中興唐祚屬當郊祀無失職
司遂封開國侯加食邑三百戶至光明宗慕紹之初除
右金吾衛大將軍充衛使秋九月轉左金吾衛大將軍
充衛使執金在彤庭之前佩玉向丹墀之上仕宦之貴
無出於斯上以京公久居環衛之班頗著警巡之効至
戊子二月有制授匡國軍節度使加檢校司徒仍賜耀
忠匡定保節功臣下車之後布政惟新福星爰照於左
馮暖律又來於沙苑庚寅夏四月上以園丘禮畢慶澤

溥行就加檢校太保仍降詔書其年冬十一月朝于
京師除左監門衛上將軍九月轉左領衛上將軍辛卯
夏六月轉左武衛上將軍癸巳五月除左羽林統軍甲
午春加特進階封開國公食邑二百戶改賜竭誠匡定
保久功臣丙申九月唐廢主以泮師北征命公以所
部禁旅巡警夷門公英斷不回至仁有勇當危疑之際
立鎮靜之功浚郊之民于今受賜今皇帝并門鳳舉
洛水龍飛力顧推崇首來入覲上嘉其懿効旌彼殊庸
遂除右金吾上將軍菱裁出惣藩宣入居嚴衛外則作
疲民之藥石內則爲天子之爪牙文武兩班踐揚將

遍物禁太盛古之有言壽年未高染疾不起以天福二
年七月二十七日薨於汴州道德坊之私第享年三十
有三嗚呼皇天莫問佞云輔德之言大夜何長其有殲
良之歎上聞所奏惻怛哀慟輟視朝兩日厚加贈幣
贈太傅君臣之義終始克全公以己丑歲五月梁
普安公主薨於同州後再娶東海郡徐氏夫人卽故東
川節度使太師弟五女也蕙質蘭姿懿德令範孰念孤
鷺之歎自傷黃鵠之歌公有姪延口見任閑廡副使
卽魏博口大將軍侍中之子也朴玉其儀渾金其器度

評口口相貌口口口口人口口口口公亦三子四女

長子延賞守太子舍人次延緒次延宗皆稟庭訓悉紹
家聲龍駒鳳鸞得非天性良金瑞玉自是國楨終天懷
風樹之悲踣地有藜藿之痛長女適郝氏次適婁氏二
女方幼諸子皆普安公主之出也 公主靜惟閑雅動
有規儀休聲首冠於 皇口 淑德克彰於婦道帝王

之女無以過焉 公性不好弄幼善屬文嚴毅而至和
溫恭而難犯言惟合道動不違仁張充一變之年已功
成名遂口口口口之日乃善始令終以丁酉歲冬十月
六日安葬於洛陽縣之原禮也孤子延賞等泣告鵬曰
公之履行爲衆所知 公之勲庸歷代罕比若非故

舊孰能縷陳鵬列親表之間受
顧念尤最難避狂節
輒勒貞珉序不盡言乃爲
銘曰

積慶之門
挺生奇傑
入覲堯庭
出持漢節

十乘啓行
萬夫觀政
宵旰無憂
袴襦入詠

英華發外
清明在躬
惟忠惟孝
立事立功

滑臺去思
璧田來暮
藹然休光
綽有餘裕

摛繡文翰
傅粉容儀
承顏紫禁
飛步丹墀

門盛七葉
祿逾万石
外冠時英
內光帝戚

歷事累朝
荐逢多難
動有成功
舉無遺筭

秋收芳蘭
地理良玉
山雲晚愁
林風夜尖

王孫一去兮不復還

陵園草色兮秋黃春綠

洛陽縣 清封鄉 積閭村

誌石出土當庚戌歲七月洛水北溢沖激崖岸墓陷於
水惟石爲土人移置僅存予案誌文稱周敬曾祖讓皇
檢校司空累贈太師封南陽王薛史失其名歐史亦不
著其官階祖宏信皇天雄軍節度使檢校太師兼中書
令長沙王累贈守太師累封趙王諡曰莊肅薛史載宏
信累官至檢校太尉封臨清王歐史僅書爲節度使新唐
書宏信傳徙臨清郡王又追封北平王 誌言紹威有子四人長廷規次周
翰次周允書官並較史爲詳然周翰史載爲宣義軍節

度使誌稱爲義成職方攷滑在梁稱宣義唐改爲義成
周翰官於梁而誌以唐代遷易之鎮名書之於事爲失
實次卽周敬字尚素初授檢校尚書禮部員外郎仍賜
紫金魚袋權知滑州軍州事檢校禮部尚書尋授宣義
軍節度檢校尚書右僕射薛史所云命爲兩使畱後尋
正授旄鉞正指其事而檢校尚書右僕射則無此文又
移鎮許田加檢校尚書左僕射又授檢校司空守殿中
監駙馬都尉薛史授祕書監與殿中監文亦小異入唐
當莊宗時封開國侯加食邑三百戶明宗除右金吾大
將軍充街使遂轉左充使如故授匡國軍節度使加檢校

司徒仍賜耀忠匡定保節功臣加檢校太保除左監
門衛上將軍轉左領門衛上將軍轉左武衛上將軍
入晉除右金吾上將軍薛史載莊宗卽位歷左右金
吾大將軍据誌文則莊宗但封侯加邑明宗始除右
金吾又轉左耳周敬在梁移鎮許田史言忠武此亦
唐改軍號而史以加於梁臣蓋錯紀也史載長興中
入爲左監門衛上將軍四遷諸衛上將軍當以始除
及入晉凡四遷而功臣賜號史不及之周敬兄弟四
人竟脫周允不錄皆宜依誌文爲据誌前列朝請大
夫行起居郎充史館修撰柱國殷鵬撰并書薛史鵬

字大舉大名人爲右拾遺歷左補闕考功員外郎充
史館修撰與此題合其階勲失書也又誌信周敬之
葬在洛陽清封鄉積澗村今誌石所出直石嘴之西
數十步蓋於墓地猶可攷而五代墟聚之名亦以附
傳於後金石豈推補史闕文哉

授堂金石跋

史通與中

金按碑文其二千餘字皆明白可誦周敬薛史有傳
碑稱周敬曾祖讓祖宏信父紹威兩唐書皆有宏
人信傳薛歐兩史皆有紹威傳其書官與碑詳略具
著授堂跋中惟謚曰貞莊薛史所無歐史作貞壯
又微異耳碑叙周敬于梁時代周翰權知滑州軍

州事至宋帝未除光祿卿與吏多合歐史紹滅傳
稱周敬唐莊宗時爲金吾大將軍明宗以爲莊國
等節度使罷爲上將軍薛史稱莊宗卽位歷左右
金吾大將軍明宗卽位授同州節度使加檢校太
僕長興中入爲左監門上將軍遷諸衛上將軍
顯德中癸未十月莊宗封開國侯加食邑五百戶
明宗封陳右金吾衛大將軍苑衛使九月轉左戎
子並引授匡國軍節度使加檢校司徒仍賜耀忠
武是保節功臣庚寅夏四月加檢校太保十一月
除左監門衛上將軍九月轉左領衛上將軍辛卯

六月又轉左武衛上將軍癸巳五月除左羽林統
軍甲午春加特進階封開國公食邑二千戶改賜
竭誠匡定保又功臣入晉除右金吾上將軍是周
敬封侯加邑在莊宗時而其除右金吾轉左皆明
宗時事其授匡國軍節度使亦在明宗卽位後三
年加檢校太保除左監門衛上將軍則又長興元
年之事皆史氏紀載之舛匪長興四年以後及入
晉歷官史亦未之詳也碑又云以天福五年薨享
年三十有五史則云年三十三按周敬以梁末帝
乾化初從母秦國夫人至闕下始授檢校尚書禮

部員外郎時年九歲明年代周翰節制滑臺時年
正十歲與史傳合則至天福二年實三十三歲兩
史皆誤歐史又云周敬娶末帝女曰晉安公主薛
史作普安公主以碑證之則舊史是也五代會要
載梁少帝公主長壽春次壽昌獨無普安封號何
歟碑叙所葬地但云洛陽之原而碑末別書洛陽
縣清封鄉積潤村一行向來碑刻未見此例然河
南通志陵墓類河南府下失載羅周敬墓正當據
碑俾後人知其所在補之可見書碑不得過略矣

溪州銅柱記

記八面高六尺八寸四分面廣六寸五分
四十二行行五十七字正書在辰州府

天策上將軍江南諸道都統楚王希範

金紫光祿大夫檢校兵部尚書使持節溪州諸軍事

溪州刺史兼御史大夫上柱國長沙縣開國伯食邑

九伯戶二溪口團練使彭下有押字不可識

天策府學士江南諸道都統掌書記通議大夫檢校

尚書左僕射兼御史大夫上柱國賜紫金魚袋李宏

粵以...五年歲在庚子夏五月...楚王召天策

...我烈祖昭靈王漢建武十

八年平徵側於龍編樹銅柱於象浦其銘曰金人汗出
鐵馬蹄堅子孫相連九九百年是知吾

祖宗之

慶曆緒綿遠則九九百年之運昌于南夏者乎今五溪
初寧羣帥內附古者天子銘德諸侯計功大夫稱伐必
有刊勒垂諸簡編將立標題式昭恩信敢繼

前

烈爲吾紀焉宏舉承

教濡毫載叙厥事益聞祥

物接境盤瓠遺風因六子以分居入五溪而聚族上古
以之要服中古漸爾羈縻洎師号精天相名妣氏漢則
宋均置吏稍靜溪山唐則楊思興師遂開辰錦迓來豪
右時恣陸梁去就在心否臧由己溪州彭士愁世傳郡

印家惣州兵布惠立威識恩知勸故能歷三四代長千
萬夫非德教之所加豈簡書而可畏亦無辜於大國亦
不虐於小民多自生知因而善處無何忽承間隙俄至
動搖前蓋我王每示于以含宏嘗加姑息漸爲邊
患深入郊圻剽掠耕乘侵暴辰澧壇吏告逼郡人失寧
非萌作孽之心偶昧戢兵之法焉知縱火果至自焚時

晉天子肇創大不基其倚注神

雄德以開文皇帝之徽号繼前武穆王之令

謨再命其我王開天策府天人降

止備物在庭方振聲明又當昭泰眷言僻陋可

俟綏懷而邊鄙上言各請効命

王命王乃以靜江軍

指揮使劉勅率諸部將付以偏師鉦鼓之聲震動谿谷
彼乃弃州保嶮結寨馮高唯有鳥飛謂無人到而劉勅
虔遵

廟算密運神機跨壑披崖臨危下瞰梯衝

既合水泉無汲引之門樵採莫通糧糗乏轉輸之路固
甘衿甲豈暇投戈彭師杲爲父輸誠束身納款

我王愍其通變爰降
招携崇侯臧德以歸周孟

獲畏威而事蜀
王曰古者叛而伐之服而柔之

不奪其財不貪其土前王典故後代著龜吾伐叛懷柔
敢無師古奪財貪地實所不爲乃依前奏授彭士愁溪

州刺史就加檢校太保諸子將吏咸復職員
賚有差俾安其土仍頒廩粟大賑貧民乃遷州城下于
奔岸溪之將佐銜王恩向香化請立柱以誓焉

於戲其王者之師貴謀賤戰兵不染鬻士無告勞

肅清五溪震讐百越匠平壘理保又東其臨邦家尔宜

無擾耕乘無焚廬舍無害樵牧無阻川塗勿矜激瀨飛

湍勿恃懸崖絕壁荷君親之厚施我不徵求感神神

天地之匪杜尔懷寧撫苟違誠誓是昧神祇垂子子孫

庇尔族類鐵碑可立敢忘賢哲之蹤銅柱堪銘願奉

祖宗之德宏臬仰遵王命謹作頌焉其詞

曰

昭靈鑄柱垂英烈手執干戈征百越我王鑄柱庇黔黎
指畫風雷開五溪五溪之險不足恃我旅爭登若平地
五溪之衆不足憑我師輕蹈如春冰溪人畏威仍感惠
納質歸明求立誓誓山川方告鬼神保子孫方千萬春
推誠奉節宏義功臣天策府都尉武安軍節度副使
判內外諸司事永州團練使光祿大夫檢校太傅使
持節永州諸軍事行永州刺史兼御史大夫上柱國
扶風縣開國侯食邑一千戶馬希廣奉教監臨鑄

造

天福五年正月十九日溪州刺史彭士愁與五姓歸
明衆具件狀歛血求誓下楚王略其詞鑄于桂

之一隅

右據狀溪州靜邊都自古已來代無違背天福四年

九月蒙王庭發軍收討不順之人當都願將

本管諸團百姓軍人及父祖木分田場土產歸明王

化當州太鄉三亭兩縣苦無稅課歸順之後請祇依

舊額供輸不許管界團保軍人百姓亂入諸州四界

劫掠盜逃走戶人凡是王庭差綱收買溪貨并都

幕採伐土產不許輒有庇占其五姓主首州縣職掌

有罪本都申上科懲如別無罪名請不降官
軍攻討若有違誓約甘請准前差發大軍誅伐一心
歸順王化永事 明庭上對三十三天

明神下將宣祇爲證者

王日尔能恭順我無

科徭本州賦租自爲供贍本都兵士亦不抽差永無
金革之虞克保耕桑之業皇天后土山川鬼神吾之
推誠可以元鑒 新大夫餘 后持

大晉天福五年歲次庚子七月甲子朔十八日辛巳
鑄八月甲午朔九日壬寅鑄十二月壬辰朔二十日
辛亥立

靜邊都指揮使金紫光祿大夫檢校太保使持節溪
州諸軍事守溪州刺史兼御史大夫上柱國隴西縣
開國男食邑三百戶彭士愁 甲午歲十八日辛巳

武安軍節度左押衙金紫光祿大夫檢校司徒前溪
州諸軍事守溪州刺史兼御史大夫上柱國彭師佐
武安軍節度左押衙前砂井鎮遏使三井都管使銀
青光祿大夫檢校尙書左僕射兼御史大夫上柱國
龔明芝

武安軍節度左押衙銀青光祿大夫檢校尙書左僕

射兼御史大夫上柱國田宏贊

彦

武安軍節度衙前兵馬使前溪州左廂都押衙銀青
光祿大夫檢校太子賓客兼御史大夫上柱國向宗
武安軍同節度副使攝溪州司馬銀青光祿大夫檢
校左散騎常侍兼御史大夫上柱國覃彥仙
武安軍節度副將充溪州知後官銀青光祿大夫檢
校國子祭酒兼御史大夫上柱國朱彥臨
武安軍節度左押衙口都指揮使知使防邊營金紫
光祿大夫檢校司徒前溪州諸軍事守溪州刺史兼
御史大夫上柱國彭允瑤

武安軍節度左押衙金紫光祿大夫檢校司徒前溪
州諸軍事守溪州刺史兼御史大夫上柱國田倬暉
武安軍節度左押衙充溪州副使銀青光祿大夫檢
校尚書左僕射守溪州三亭縣令兼御史大夫上柱
國彭師俗

武安軍節度左押衙左義勝第三都都將銀青光祿
大夫檢校刑部尚書前守富州別駕兼御史大夫上
柱國彭師杲

武安軍節度同十將前溪州左廂都虞候銀青光祿
大夫檢校太子賓客兼監察御史上柱國龔貴

武安軍同節度副使前攝大鄉縣令銀青光祿大夫
檢校左散騎常侍兼御史大夫上柱國覃彥富

武安軍節度左押衙充靜寇都指揮使金紫光祿大
夫檢校司徒前溪州諸軍事守溪州刺史兼御史大
夫上柱國田宏祐

武安軍節度左押衙充砂井鎮遏使銀青光祿大夫
檢校尚書左僕射兼御史大夫上柱國彭師榘

武安軍節度左押衙充金澗里指揮使銀青光祿大
夫檢校尚書左僕射兼御史大夫上柱國覃彥勝

武安軍節度討擊副使左歸義第三都都將銀青光

祿大夫檢校左散騎常侍兼御史大夫上柱國彭師

晃

前溪州大鄉縣令將仕郎試大理評事兼監察御史

賜緋魚袋彭允臻

武安軍節度攝押衙充靜寇都副兵馬使銀青光祿

大夫檢校右散騎常侍兼御史大夫上柱國田思道

銀青光祿大夫檢校國子祭酒知溶州軍州事兼監

察御史武騎尉彭□□

以下題名皆屨入文
字中故附列于後

知狹州軍州事彭君庸

知忠彭州軍州事彭文綰

知南州軍州事彭光明

知州彭文儻

團練彭如遷

前三亭縣令彭如喜

三亭縣令彭文雅

都監彭文威

溪州都監彭如興

溶州都監彭仕明

統軍使彭如武

都揮指使彭文仙

知萬州軍州事田彥存

高州巡檢使彭如聰

巡檢使彭如品

十洞彭如意

統軍彭仕進

排軍指揮使陳文綰

巡檢朱繼顯

教練使屈思

靜邊都指揮使彭文勝

溪州軍事准官辛白

湘州羅文瞻

史軍羅万能

巡檢羅万貴

錄事叅軍廖保詡

水南都指揮使羅文彥

金唐縣田成益

教練使彭進

溪州知州彭君善

鈐轄覃万寅

五都彭如亮

五溪巡檢使知向化州彭如會

知保靜州軍州事彭光陵

知來化州軍州事彭允會

知感化州軍州事覃文綰

團練向行仙

古州覃萬貴

五溪都招安巡檢使田思滿

左衛龔貴朋

知永州軍州事彭君昌

溪洞巡檢使知武寧州軍州事彭□□

知富州軍州事覃文勇

知謂州軍州事覃允贊

知州朱進通

知州苻彥貴

鈐轄彭如權

鈐轄覃文見

知州田彥勝

通判田彥強

知州田思趙

施酉知州彭允師

銅柱高壹丈貳尺內入地陸尺重伍阡斤并石蓮花臺及下有石頰

維天禧元年十一月十五日移到至十六日豎立記

此行在第一行復溪州銅柱記之下宋人題字

馬希範晉天福中授江南諸道都統又加天策上將軍谿州洞蠻彭士愁寇辰澧二州希範討平之士愁以五州乞盟乃銘于銅柱希範自言漢伏波將軍援之後故鑄銅柱以繼之

舊五代史

銅柱在會溪城晉天福五年溪州刺史彭士愁納土

求盟楚王馬希範請于朝以立之學士李皋爲之銘

五代史謂之彭士然者字之訛也當以銅柱銘爲正

天下輿
地碑記

溪州銅柱重五千斤并石蓮花臺予按陸游南唐書
謂彭師暲不知其世家希萼與弟希崇爭國希萼敗
見執希崇避殺兄名於是命師暲幽希萼於衡山使
甘心焉師暲歎曰畱後欲使我弑君耶吾豈爲是哉
至衡山與廖偃護視甚謹遂築行府奉希萼爲衡山
王請命金陵元宗爲出師定楚亂希萼遂入朝偃師
嵩俱從行馬令南唐書云希崇遣彭師暲廖偃囚希
萼於衡山師暲奉希萼爲衡山王臣於南唐十國春

秋云希萼入府視事吳宏彭師嵩見希萼皆釋不殺
賜希廣死彭師嵩葬之瀏陽門外師嵩疑卽師杲也
然則彭氏雖溪蠻乃馬氏之忠臣與周行逢據湖南
時有謠云滿天太保滿地司空觀此碑所書蓋自馬

氏時已然矣

池北
偶談

開封府志亦稱
碑即周行逢所
立

右銅柱記楚王馬希範與溪州刺史彭士愁立誓范
全爲性命掌書記天策府學士李宏皋作記柱高一
丈二尺入地六尺重五千斤環以石蓮花臺在今辰
州溪蠻境上去府治百餘里以是罕有摹拓本流傳
于世卽好古如翟趙會洪諸家亦未之著錄也子年

三十讀歐陽子五代史愛其文辭及覽觀司馬公通鑑編年叙事反詳于國史之紀傳心竊未安因與鍾秀才淵映約分注歐陽子書既而予從雲中轉客太原訪沙陀北漢故蹟殘碑斷碣摩挲抄撮淵映亦多所攷證不幸客死于燕遺橐盡失從此予無相助者興轉闕珊矣康熙戊午崑山葉徵士奕苞相聚京師語及金石文自言家有銅柱記拓本乃託其郵致其錄記文審定楚世家之誤溪州銅柱記卷還葉氏求之三十年不得歲在己丑七月忽獲之西吳書估舟中文字完好出于意表檢視曩時跋尾于宏阜本

本末未之詳乃命裝潢手作冊綴舊題于前續書其

末馬希範之喪天策府都尉希廣其同母弟武陵帥

希萼其庶兄宏舉主立希廣而大校張少敵憂之謂

曰希萼次長負氣必不爲都尉下且與九溪蠻通好

若不得立勢將引蠻軍爲亂幸熟思之宏舉不從少

敵遂辭去希廣立未幾希萼果以武陵反合九洞溪

蠻分路齊進遂至長沙縊希廣于郊外而支解宏舉

此事歐陽子亦略而不書溪州靜邊都向化立誓狀

具于天福五年正月記撰于是年五月桂鑄于七月

字鑄于八月立于十二月宋天禧元年十一月移鑿

今所曝書
亭集

希範馬殷子也殷由梁而唐而晉奄有南夏希範以
次襲爵楚王唐廢帝清泰三年賜弓矢冠劍晉高祖
天福四年加天策上將軍開府如殷故事溪州卽今
湖廣永順軍民府西接牂牁兩林南通桂林象郡五
溪諸蠻彭氏最大史稱希範遣劉勅劉全明以步卒
五千攻彭士然士然遣子師曷降于勅乃立銅柱爲
表命學士李皋記之按碑曰士愁而非士然曰宏皋
而非皋曰師杲而非師曷有勅而無全明史云南寧
莫彥殊都雲尹懷昌牂牁張萬濬率其本部其三十

七州附于希範合彭氏爲四而碑云五姓歸明碑中
具彭氏誓詞及希範答語後列彭氏子姓從臣之名
字殊醜惡以其與史互異錄之吳任臣十國春秋云
通鑑作彭仕愁五代史作彭仕然而以此銅柱作仕
然爲可信予所得拓本爲士愁字畫顯著爲無可疑
未知志伊所見又與子異何也

金石錄補

銅柱記李宏皋撰宏皋卽馬希範依其父殷所置學
士十八人之一也宏皋史皆作皋避宣祖諱剛之舊
五代史希範傳晉天福中授江南諸道都統又加五
策上將軍溪州洞蠻彭士愁寇辰澧二州希範討之

之士愁以五州乞盟乃銘于銅柱希範自言漢伏波

將軍援之後故鑄銅柱以繼之

歐史溪州刺史彭士然率錦獎諸蠻攻澧

州希範遣劉勅劉全明等以步卒五千擊之士然大敗勅等攻溪州士然走獎州遣其子師高率諸蠻首降于勅溪州西接牂牁兩林南通桂林象郡希範乃立銅柱爲表命學士李皋銘之今記文稱

我烈祖昭靈王漢建武十八年平徼側牙龍編樹銅

柱于象浦是其事也記文吳任臣十國春秋全見宏

臯傳案記文五溪初寧傳作初輯式昭恩信傳作或

昭恩德載叙厥事傳作敬載厥事蓋聞牂牁接境盤

瓠遺風因六子以分居入五溪而聚族傳作牂牁接

境五溪遺風泊師號精天傳作師號滑服漢則宋均

置吏稍靜溪山唐則揚思興師遂開辰錦傳作宋均
甫肇靖溪山揚興師遂開展境溪州彭士愁傳作彭
士然故能歷三四代長千萬夫傳歷作立千作百亦
不虐于小民記亦作必剽掠耕桑傳剽作擾肇創亦
基傳肇作大方振聲明傳明作名各請効命傳作各
効命土付以偏師傳付作士結寨馮高傳寨作阻固
甘衿甲豈暇投戈傳脫豈暇投戈惟作囚甘衿恤彭
師杲作鬻崇侯感德以歸周傳作崇虎就加檢校太
保傳無就字底平疆理傳作居平苟君親之厚施傳
作厚德垂于子孫傳于作子敢忘賢哲之蹤傳敢作

可我王鑄柱庇黔黎傳我王作誕今五溪之衆不足
馬傳馬作平溪人畏威仍感惠傳作思納質納質歸
明求立誓傳作棄污歸口求立誓案任臣依記文爲
傳蓋未收銅柱元文所據名山記及廖道南楚紀或
近方志所載是以脫謬至此也記後勒誓詞與彭氏
官屬銜名任臣亦未收案題名中馬希廣彭師杲
二人並見歐史希廣字德丕希範同母弟師杲卽士
愁子史以愁爲然杲爲嵩非也十國春秋廢王世家
書希廣當文昭王時不著其官師杲傳官亦畧証之
此碑題銜皆足補遺又州名夔州忠彭州南州高州

湘州向化州保靜州來化州威化州古州謂州縣名
如金唐官制其職事者大理評事錄事叅軍知軍州
事別駕鈐轄團鍊都監巡檢司馬左義勝第三都都
將左歸義第三都都將靜寇都指揮使副兵馬使靜
邊都指揮使節度副將知後官知使防遏營節度衙
前兵馬使節度左押衙溪州左廂都押衙左廂都虞
候金澗里指揮使砂井鎮遏使三井都管使巡檢使
排軍指揮使教練使討擊副使都招安巡檢使統軍
使同十將知軍州諸名地里表百官表未收

授堂金
石跋

按五代馬氏王楚時彭士愁引錦溪州蠻入寇在

天福四年八月及其子師杲納印請降在五年正月銅柱之立即當是時此事正史所書頗略薛史及通鑑僅較歐史爲詳然此記文共千餘字又誓狀二百餘字於搆亂歸化始末斑斑可見其中如士愁作士然師杲作師高李宏皋作李宏皆足以正諸史之誤詳前人跋中吳任臣擬十國春秋據名山記及廖道南楚記得有銅柱記文錄入李宏皋傳實則未見拓本故所載謬漏頗多且以彭士然銅柱亦作仕然斷從歐史而辨通鑑之誤不知記文愁字顯然正與薛氏史合是非倒置殊未然

也是刻前後題名者七十四人彭氏適居其半惟
士愁師杲二人稍可攷見餘皆不得而知矣記述
希範之言曰我烈祖昭靈王漢建武十八年平徵
側于龍編樹銅柱于象浦昭靈王卽漢伏波將軍
馬援也希範自以爲援後故因伏波故事仿鑄銅
柱耳後漢書及通鑑皆不載鑄柱之事據寰宇記
嶺南道九德縣古越裳國後漢遣馬融討林邑蠻
自交趾循海隅隨山刊木開陸路至日南郡又南
行四百餘里至林邑國又南行二千餘里有西屠
夷國援至其國鑄二銅柱於象林日南界與屠夷

分境以紀漢德之盛後漢書但云緣海而進隨山
刊道千餘里而已卽西南夷傳亦未之詳也此記
并載銅柱銘金人汗出四語尤足以裨史鑑之缺
再攷唐武德初諸蠻歸附始置巫錦溪富叙等州
旋置麻陽縣錦州大姓彭氏舒氏向氏因彭氏處
以上下溪及保靖等州至楚衡陽王時彭師杲以
錦溪獎三州歸附立銅柱於下溪州爲界在今辰

州府西北一百十里至宋建隆三年慕容延釗平

湖湘知溪州彭允殊偕前溪州刺史田宏斌

卽題名中

田宏斌等列狀歸順乾德五年溪酋彭允足入朝授

濮州牢城都指揮使以其據險持兩端因置內地
羈之景德三年辰州蠻攻下溪州刺史彭儒猛擊
走之溪州刺史彭文慶率溪崗蠻來朝大中祥符
六年辰州溪崗都指揮使彭進武數寇邊降詔招
諭進武詣吏請罪復勞之天禧元年辰州都巡檢
使李守元攻白霧團斬蠻級降其酋三百人而彭
儒猛叛知辰州錢絳等斬降千餘人儒猛亡執其
子仕漢歸京師未幾儒猛降詔至明灘歃血盟而
遣之授仕漢殿直處之西京後遁歸引羣蠻爲亂
儒猛以聞詔嘉其忠天聖七年下溪州刺史彭仕

端使其弟仕義貢方物明道初仕端死命仕義爲
刺史仕義有子師寶景祐中知忠順州後以罪絕
其貢自咸平後始聽二十州納貢歲有常賜蠻人
以爲利有罪則絕之後師寶數自訴請知上溪州
皇祐二年始從之朝貢如故寶元二年辰州獠獠
三千歛附彭仕義邀擊之有其地自號如意大王
補置官屬將爲亂其子師寶携妻至辰訴父不法
知辰州宋守信率兵深入仕義遁其官軍戰死者
十六七守信坐貶蠻遂數寇邊吏不能制朝廷遣
吏論許改過裁省五六七州貢奉久之仕義仍歸

所掠兵丁率蠻七百飲血就降卽辰州界啗溪據
守其姪師晏攻殺之納誓表於朝歸啗溪地并獻
皮白洞地界詔以爲下溪州刺史熙寧初湖北提
刑趙鼎言蠻衆欲內附辰州辰州布衣張翹亦上
書請先招下富峽二州敗餘州皆可郡縣詔下知
辰州府商度請如翹言因遣章惇爲察訪河北經
制諸蠻事以石鑑爲湖北鈐轄兼知辰州助惇經
制乃置羈縻州三十六而下溪州大彭民居之時
江北提點刑獄李平招納彭師晏誓下州肩諸蠻
各以其地歸版籍詔修築下溪城并置砦於茶灘

南岸名曰黔安戍以兵隸辰州出租賦如漢民遣
師晏詣闕授京東州都監彭氏於五代後反覆不
靖如此至元初下溪州彭萬潛改其州爲永順軍
民安撫司及明嘉靖中苗大叛永順宣慰彭宗舜
保清宣慰彭蓋臣尙助官兵征討悉士愁之後至
今猶爲土司焉蠻人極重銅柱故太平興國七年
詔辰州不得移馬氏銅柱而以本朝辰州府知府
王某以銅柱立千有餘年其文可攷今各崗土司
不遵前約妄構難端或焚廬舍或擾耕桑或掠人
民或行竊盜並非其祖歸命定盟垂示永久之意

請將墨搨記文飭示各土司官苗俾各如約遵行
永安邊土督撫從之具著辰州府志蓋是記之重
於蠻陬又如此百餘年來尙蠻反側不時屢有鈔
掠致勞軍旅故詳載其始末以告大吏之善爲撫
馭者嶺表錄稱伏波銅柱舊有刺史韋公幹刺愛
州其柱在境公幹利其財欲椎鎔之土人不知援
所鑄以爲神物訴于都督都督移書辱之公幹乃
止然則援鑄之柱久已不顯而五季所鑄猶能使
苗民懾服金石傳流蓋非偶然而官知府者尚知
拓文示衆其視公幹賢不肖相去何如也

記文乃遷州城

于平岸溪之下作乃遷州城下于平岸溪之南名
都指揮使彭文仙作都揮指使皆鑄造時錯誤

義成軍節度使贈太保史匡翰碑

碑高一丈七寸二分廣五尺四寸二十
八行行七十字上截殘缺正書在太原

功臣義成軍節度使濮等州觀察處置管內河隄等

使起復冠軍大將軍右金吾衛大將軍員外置尚正員

檢校司徒兼御史大夫駙馬都尉上

口缺贈太保史公神道碑銘并序

朝議郎尚書虞部員外郎知制誥臣陶穀奉勅

撰

待詔朝散大夫太府卿賜紫金魚袋臣閻光遠奉

上缺輔蜀望帝之洪苗楚倚相之厥靈迨于戰國世爲史

官周崇江漢之祠已疏玉爵漢重金張之族遂寵侯封

命望不衰奇才間出長江激浪下嶓冢以方舟寶劍騰

品發□□□□積善所宜於有後享富貴者累朝大

勲不可以中微啓茅土者數世事詳圖諫功備鼎彝大

王父諱懷清皇任安慶九府都督王父諱敬思皇任安

慶九府都督顯考諱建□□□□□□兼九府都督贈

太保公卽太保長子也分太白之精稟峒山之英笑

爾儒之老一經拜神姝而學五兵懷鼓篋之心行有餘

力蘊飛箝之辨似不能言天祐中王室寢□□□□□
□陸之龍蛇竟闕生郊之戎馬成羣時□□□□□

宗已合樂□將旨義舉定玉帳一匡之略提金壇百勝
之師戰於兩河決不多壘以□公人才地望宜副頒條

起家□□□□□代州副使以勞加銀青光祿大夫
檢校太子賓客兼監察御史改遼州副使兼領九府都
督同光初□□□□□莊皇受命梁祚告終騏驎闔於

東陵熒惑入於南斗負□□□□□雖曰一家橫戈
而猛士守方未安四鄙將寧邊徼特委警巡以九府都
督充嵐憲朔等州都遊弈使解職授天雄軍牢城都指

揮使遷檢校刑部尚書兼御史大夫上柱□□□□
□恩遠降時議爲輕遙領百城仍兼九府轉檢校戶部
尚書潯州刺史未幾改天雄軍步軍都指揮使刺史如
故明年遷侍衛彰聖馬軍都指揮使兼九府都督

□□□□□□也八□大定萬國來朝將竇憲於騎
軍已平敵國收寇恂於河內俾惠一方授檢校司空懷

州刺史政成轉控鶴_都指揮使加金紫階兼和州刺史

駙馬都尉虎賁三百□□□□□□魏闕九重謹門闌

於清禁圃田待理漢殿掄材功臣旌佐國之名出牧奉

專城之寄渤海守布解繩之政化洽下車淮陰侯有授

鉞之才口膺推轂謀於良師屬在舊勲□□□□□
鷹揚之勞軾前熊伏寧淹豹變之期齋壇峻而金鼓嚴
麻案宣而油幢出漢壘接平陽之第禹河連沁水之封
控梁苑之西郊殷乎威望撫國僑之遺俗綽有政聲當
四□□□□□□□□命之爲伯加食邑通前五百戶方司
外禦俄迫內艱居喪爰疚於塊苦有司不避於金革

大君有命難違燾土之恩開國承家遂奉墨
纓之制授起復冠軍□□□□□吾衛大將軍員外置
同正員依前充節度使列旌旗於衛幕再勵分憂泣風
雨於梁山難勝永慕海運方遠峯摧若何遺封章而不

忘戴君對符印而猶思擇師三陽莫辯□□□□之
鍼六合至寬無處問迴生之草管輅慊與才之歎仲尼
興有命之言名不遂而功不成生何足貴令其終而善
其始歿且奚寬以天福七年三月十六日寢疾薨于鎮
享年四十□□□□人罷市年光似箭訝天道於張
弓日遞高春輟時情於相杵有旨詔贈太保喪葬
之儀並從加等越明年太歲在癸卯孟夏四月二十有
三日庚午歸葬于北京太原□□□□也銘旌前導
鹵簿分行何須陶氏牛眠方爲吉地不待滕公馬立白
得佳城載惟積慶之家須及莫京之纛尙

魯國大長公主車服有容實殷帝之歸妹穠華□□□
□□之王姬半枯旋歎於未亡一慟俄聞於晝哭風飄
寶匣翻成別鶴之悲塵暗粧臺未結孤鸞之恨嗣子四
人長曰彥容宮苑使湊州刺史次曰彥澄彥琪並西頭
供奉官幼□□□□州別駕以子公之陰騰門合容
車以鄧氏之舊親家宜藏策寵旣隆於奕世榮豈讓於
重侯近朝以來莫之比也喜以 公之忠肅恭懿宣慈
惠和求福罔回見義有勇秉□□□□達招延無間
於後生不積財而口務藏書不憂家而唯思報國求諸
時彥我無口焉宜乎享大年躋極品上擊九萬里直聳

一千尋而陽報無徵天賦有限極公侯伯子男□□□

□□□生而無成守溫良恭儉讓之言得以謂歿而不

朽將傳來裔期播徽音合從魯國之褒方盡延陵之美

臣才非日地職在□□仰□□□□□□□功聞□

家□之□德虔遵□□□□□□□容首強綴斯文屬詞而

徒罄揄揚序事而多慙漏□鞠躬抒思再拜銘勳將招

岱岳之魂輒効楚詞之意銘曰□□□□□□□□□□

□□□□□□惠且貞事□□□□□□□明君□信而誠藏

築書於周廟□征轂於漢營年旣謝方時正來河方誓

兮山告頽訝陰隲而已矣歎陽報而哀哉□□□□□□

□□□

帝鄉

丹旄悠悠兮下山陽隔

兩鄉之明月陟千里之宏嶽龜告吉兮著言臧年惟利

兮日其良縈蔓草於原上揭豐碑於路旁

缺

□兆鶴

且

白兮來翔傳千口兮萬代播蘭杜之芬芳

天福八年歲次癸卯六月丁未朔十四日

□威楊稠鐫字

史駙馬匡翰墓在太原縣東北三十里黃陵村墓碑

深陷于地村民語予土不可搯搯之尺則更深尺予

強令搯之以畚去土至一尋龜趺始露驗之則陶學

士穀所撰文也辭多駢儷其先後歷官詳矣然史稱

其歷鄭州刺史而碑不書何歟又傳美其好讀書尤喜春秋三傳與學者講論不倦碑辭亦云懷鼓篋之心行有餘力蘊飛箝之辨似不能言不積財而但富藏書不憂家而惟思報國求諸時彥罕有倫焉則與

史傳合矣

曝書亭集

匡翰石敬瑭之婿也尚魯國大長公主而不見于史大王父懷清王父敬思父建闕皆任九府都督翰以駙馬歷官通顯並無功績可紀穹碑巨碣止署官階而已

金石錄補

右碑文尙完好惟每行之首損去五字匡翰建瑭之

長子也碑於建字下空文以避晉諱而建塘父敬思獨不避蓋當時著令止避下一字也建塘死贈太保其祖懷清任安慶九府都督皆五代史所不載而敬思爲九府都督亦當有安慶字史省文爾朱錫鬯云史稱歷鄭州刺史而碑不書按五代史本云鄭州防禦使不云刺史此朱氏記憶之誤予讀碑文有云圃田待理漢殿掄才功臣旌佐國之名出守奉專城之寄又云齋壇竣而金鼓嚴麻案宣而油幢出控梁苑之西郊殷乎威望撫國僑之遺俗綽有政聲蓋匡翰由鄭州防禦使拜義成節度而鄭州元在義成軍管

遷義成軍節度滑濮等州觀察處置管內河隄等
使丁母憂起復本鎮碑未及僂述爲異耳至歐史
則僅云歷天雄軍步軍都指揮使彰聖馬軍都指
揮使事晉爲懷和二州刺史鄭州防禦使義成軍
節度使不及薛史之詳也碑于梁唐晉三朝除授
各官皆歷歷叙出而自檢校司徒以下諸職但以
漢壘接平陽之第禹河連沁水之封云云括之似
與通篇文例不合况後文有云依前充節度使而
前此實未見節度使字樣當是撰碑時偶爾脫漏
不必曲爲之說也匡翰尙魯國大長公主歐史以

爲高祖之女薛史以爲高祖之妹碑云車服有容
實殷帝之歸妹穠華□□□□之王姬亦未能
定其孰是攷高祖本紀天福七年帝崩年五十一
徐無黨注云五十二而匡翰之卒亦在是年年已
四十公主之齒當與匡翰相若疑從舊史爲長五
代会要晉公主不載魯國公主可據此以補其缺
而金石錄補乃云匡翰尙主不見於史何其踈歟
碑爲陶穀奉勅撰書丹者閻光遠宋史穀傳稱在
晉時以李崧和凝奏爲著作郎集賢校理改監察
御史遷虞部員外郎知制誥碑題朝議郎尙書虞

又云部員外郎知制誥臣陶穀正其時所居之官穀傳
又云晉祖廢翰林學士兼掌內外制詞目繁委穀
其贊言多委愜爲當時最今讀碑文叙事有體華實賅
備宋史之言爲不誣矣

移文宣王廟記

碑高四尺五寸廣二尺九寸七分二十七行
每行十八字至二十字不等行書在大荔縣

勾官楊思進書

清泰中道初領鎮之時徧謁廟之際再拜
宣聖久立荒祠後臨街而地位窮前逼城而日光少羊
觸藩而來者衆豕負塗而去者多雨信納汗風知遂臭

顧以濫爲弟子忝作公侯得富貴而因詩書擁旌旄而
輕俎豆何以爲漢相何以見魯人遂申如在之誠別卜
惟新之所乃移於通衢之北在馮翊縣之西龜筮相從
官吏相合不煩隧正不擾里胥不妨農不害物畚鍤者
楨幹者斧斤者繪者一無闕垣墉棟宇棖桷階序門屏
一無闕自由龍已降至絺繡一無闕河目海口堯頭舜
項之相亦依然其文也布在四方其教也傳於万代依
其教者順而正違其教者逆而邪德与天地齊明与日
月等昔賢云自生人已來未有如內中也日
夫子者也非此心此口而可稱讚時以拙於爲政昧於

立功民未蘇而責躬 廟纔成而赴

闕別離七縣倏忽十年今又此來固非所望手持龍節
顯奉 新恩日覩

象環虔瞻舊制於溱沮之地有洙泗之風念伯魚之學
時可知家法想祖龍之焚處自墜皇圖今逢下武之時
無失上下之節公卿惣睦侯伯皆忠將戢干戈永安

宗社文武之道邦家之基其分

宵旰之憂同保車書之運老夫之幸明神所知謹以崇
儒移廟之懇紀於公門南之左時開運三年正月十五

日記

守正宏德保邦致理功臣匡國軍節度管內觀察處
置等使開府儀同三司檢校太師兼侍中使持節同
州諸軍事行同州刺史上柱國秦國公食邑八千五百
石食實封一千二百石馮道

無夫按碑馮道撰記其再鎮同州時移建文宣王廟始
碑下未僅四百餘字文云清泰中道初領鎮之時徧謁
諸廟之際又云民未蘇而責躬廟纔成而赴闕別離
七縣倏忽十年今又此來固非所望攷舊史道本
傳云唐末帝嗣位以道爲山陵使禮畢出鎮同州

未幾入爲司空又晉少帝卽位出道同州節度使

歲餘移鎮南陽

歐史作移鎮威勝

據碑所稱移建孔廟適

當是時而其移鎮南陽當在開運三年正月以後
自清泰二年乙未至開運三年丙午中隔十載所
謂別離七縣倏忽十年也陶岳五代史補載道鎮
同州有酒務吏乞以家財修夫子廟道以狀付判
官叅詳其事判官素滑稽因以一絕書判後云荆
棘森森繞杏壇儒官高貴盡偷安若教酒務修夫
子覺我慚惶也大難道覽之有愧色因出俸重創
之今碑文自敘移廟之事其言似出至誠且云濫
爲弟子忝作公侯得富貴而因詩書擁旌旄而輕

俎豆何以爲漢相何以見晉人云云詞甚悱惻自
非有激而爲此舉者酒務出財判官滑稽之說恐
未必確抑道旣出俸重修欲雪前憾故作此誠敬
語耶碑末題銜稱守正宏德保邦致理功臣匡國
軍節度管內觀察處置等使開府儀同三司檢校
太師兼侍中使持節同州諸軍事行同州刺史上
柱國秦國公食邑八千五百戶食實封一千二百
戶自匡國軍節度使外歐史皆略不載薛史述其
長樂老自叙一篇所記生平仕履甚詳云特進開
府儀同三司再授匡國軍節度同州管內觀察處

置等使檢校太師兼侍中再封秦國公上柱國守
正崇德保邦致理功臣皆與碑合惟宏德作崇德
彼此不同疑傳寫之誤當援碑正之

欽定四庫全書
金石萃編卷一百二十

金石萃編卷一百二十終







